

定襄縣補志

列女
雜記

禮

定襄縣補志卷之九

列女志

節烈

賢孝

才女

山西省圖書館藏

讀詩至二南一女子之貞可以覘風俗之盛故女德所係非淺摠也我

朝旌表節孝凡婦人自三十歲以前守節已足二十

准題明給銀建坊其殉夫者不論年歲准其旌表

正元年 恩詔節婦年踰四十而身故計其守節已

歷十五年以上者亦准旌獎又恐民間未曾樹坊日

久仍至泯沒今於地方公所設立祠宇將前後忠孝

山西省圖書館
地方文獻

(25057)

節義之人俱標姓氏於其中已故者則設牌面於祠中祭祀自此節孝祠與忠義孝弟祠並列所以激厲人心者至矣近年又奉新例准其彙請總建一坊使無力之家亦得以闡幽光誠曠典也襄邑節烈婦女或專案題旌或遵例彙請皆足以播芳名而垂後世即未經旌揚者採訪既確允宜登載以示不朽志列女

節烈

國朝

張氏

蘭桂才妻夙嫻內則及適桂才克盡婦道夫歿誓以身殉家人懇勸自忖曰殉夫易守節難吾必隨夫棺而葬遂痛號自鴆而絕鄉人賢之

智氏

梁昭妻年十九守節乾隆四年旌表

梁氏

皇甫三小子妻克盡婦道夫亡矢志撫孤家貧甚氏糟糠自給誓不改適後家愈貧氏清操愈厲人皆以爲難

張氏

喬懋功妻年二十七守節乾隆四十一年旌表生員牛友聖妻年二十七夫亡撫孤守節艱苦備嘗人稱賢良

韓氏

鄉賢鄭相次子監生師懋妻年二十一夫亡聰明貞靜克敦孝慈舉家老幼咸蒙教施

于氏

史六妻結褵八月夫亡氏誓不改適後緣媒氏狂言以致殉節當道者獎其人玉心鐵

馮氏

鞏定邦妻年二十一寡苦節自守始終無間孀居四十餘年寢不釋衣衣不澣垢嘉慶間知縣林澹源給匾曰冰心筠節鄉評以為切實

曲氏

鄧九天妻年二十一寡撫孤守節事姑至孝鄉人咸欽奏聞建坊旌表壽八十八

吳氏

邢昌妻年二十三寡遺二子俱幼氏撫育成立拮据女紅以供朝夕知縣林澹源給匾曰霜清

田大姑

劉彥德妻年幼喪夫矢志守節詳見仙釋

梁氏

傅宣鐸妻年二十夫亡遺子尚在襁褓氏撫育教訓竟得成立孀居六十餘年里人咸贊賢節

郭氏

徐定國妻年幼而寡糲食鶉衣終無二志

梁氏

梁元法女小字青蛾年十七適毛筆亮二十二歲筆亮故遺子甫八月氏欲自盡人以翁姑年

高無人奉養子姪幼弱無人收育諷勸氏感悟乃斷髮自矢誓不再醮嘗撫子與姪而哭曰家門不墜惟恃此二子而已鄉人聞者為之泣下

薄氏

劉珥妻年二十八寡撫嗣子成立事翁姑尤婉順人稱節孝兼盡

杜氏

韓保原妻年幼而寡守節經獎

梁氏

傅文林妻年十九夫亡撫一歲孤守節壽七十九卒

郭氏

劉珣妻年二十九寡撫二子成立道光十二年申請匾節

賈氏

鞏世則妻年二十七寡事姑撫孤守節

朱氏

鞏如岱妻年二十九寡撫孤守節

趙銀姑

趙連生女年十六惡少某逼姦不從自縊死奏聞旌表

趙門二氏

劉氏趙鑑妻王氏趙鑑妾鑑歿劉年廿四
王年廿三俱誓以死守屢歷凶荒無變志

人稱一門雙節

樊氏

舉人樊錫桂姊幼性傲岸嚴禁尼巫入門年十
七歸劉元鏡越十二載鏡亡氏撫二孤守節鄉

黨咸稱其盛德

趙氏

馬文郁妻年二十七守節

馮氏

宗維城妻夫亡氏年二十矢志苦守申請匾節

樊氏

宋安仁妻年二十八守節有賢孝聲奏 聞旌

郭氏

韓泉達妻年二十九守節經獎

王氏

傳懷恭妻所居淺陋惡徒冀蘭芳窺其艾穿墻
鼠伏櫃下氏聞有噓氣聲呼賊翁姑驚起執中

韓氏

郭桂根妻年十八夫病歿乘家人倉皇營殮具
潛入他室引刀自斷其喉而死樊柳亭弔之曰

文君畏死真非福令女輕生竟是忠列子云當
生而生福也當死而死福也其信然歟

王氏

張秦元妻年二十一夫亡自縊死

梁氏

張如泉妻如泉歿氏自縊時年二十一

楊氏

智廷弼妻年十七歸廷弼未逾歲廷弼死氏亦
自經時嘉慶壬申六月也

楊氏

齊紹漢妻年二十一寡自縊死

邢氏

生員李汝香妻汝香卒氏不食死時年二十四

趙氏 田見龍妻年二十三寡守節壽終

宋氏 劉得珠妻年二十八守節終身人無間言

梁氏 邢肅妻肅亡氏年二十六守節壽終

郭氏 李逢時妻夫亡氏年二十五守節以終餘年

吳氏 杜楊枝妻年二十九寡撫七歲孤守節家貧孝事舅姑

焦氏 郭扶清妻夫亡氏亦自經家人伺覺救甦時年二十八守節壽終

喬氏 牛龍英妻年二十六寡守節經獎

張氏 王資妻年二十八守節

陳氏 牛黃安妻夫遭疾一載奉湯藥無倦意及卒氏年二十一誓不改適以奉舅姑

吳氏 郭香芝妻年二十九寡遺孤未周歲家貧苦志撫孤

韓氏 牛景行妻年十九守節樸誠雅飭知縣王恂謂似璞中藏璧

楊氏 張萬富妻嘉慶辛未歲居代州夫亡投井而死時年二十二詳見藝文

薄氏 牛宿光妻年二十四寡孝事翁姑守節

王氏 武生牛德昌妻昌亡氏年二十五矢志苦守久而彌堅知縣王恂謂頗有殘菊傲霜之風

閻氏 梁奇峯妻年二十六守節

王氏 齊顏妻年幼守節淡如儒素

王氏 郭正陽妻年二十三守節茹苦含辛人無間言

趙氏 梁佐清妻年幼守節經獎

樊氏

傳文煇妻年二十一寡三歷凶荒無變志人稱賢節

傅氏

齊以禮妻年二十四寡矢志苦守申請匾節

曲氏

劉文學妻夫亡氏年二十五孀居幽閒人無間言

牛氏

傅煌垣妻年二十四寡矢志相舟事翁姑尤婉順

郭氏

溫德明妻年二十一寡身不衣帛縞素終年節高而風尤足稱

李氏

張福泉妻年二十三寡遺子甫晬餘撫育以存宗祀婦道兼子職養志以慰翁姑鄉人賢之厥後登武鄉科者二遊膠庠者代不乏人節孝之報顧如是耶詩見藝文

李氏

周建中妻年二十二守節壽八十一卒

王氏

梁治平妻年十九夫歿繼母令改適不從鄰媪交勸之氏正色曰與其嫁不如死遂自縊

郭氏

梁治宇妻年十九夫亡奉事翁姑盡孝撫子瑞雲成立後瑞雲議敘正九品以彰苦節人咸奉為香閨之則

賈氏

宋裕仁妻年二十六寡撫三歲孤守節六十五卒

梁氏

增生高映辰妻夫亡氏年二十八遺子三歲撫育成立人稱苦節

宋氏

牛夢槐妻槐亡氏年二十三遺子拱辰方在襁褓氏以養以教早歲遊庠學院黃公鉞以經訓克家四字獎之壽七十八

韓氏

趙鐸妻年二十八寡飲冰茹檠始終無間

張氏

周丕瑄妻幼端靜入門克敦婦道夫亡氏年二十八守節孝事舅姑

宋氏

范純仁妻夫亡氏年二十六誓不再醮甘苦自守

李氏

中議大夫李猶龍女適儒童郭三謨三謨歿氏守志母家三十年孝事父母盡女道詩見藝文

吳氏

軍士韓金用妻嘉慶四年金用從征陣亡土地嶺氏年二十七撫孤守節道光二十七年詔旌其宅詩

杜氏

宋大成妻年二十九守節

鄭氏

鄉賢鄭相曾孫女幼有咏絮才年十八適儒童牛興德興德有婚即從父星煥訓導榮河隨以病歿河學氏年十九撫姪守節壽八十餘卒詩見藝文

梁氏

郭心安妻夫亡氏年二十六敬事翁姑盡婦道閭里咸稱節孝

彭氏

郭寄生妻年二十六守節

喬氏

周岐妻年二十二寡冰霜自矢艱苦如飴鄉里咸敬重之

齊氏

生員喬鳳梧妻年二十九守節

郭氏

喬鳳樓妻年二十四寡遺三子尚幼撫育以義守節五十餘年始終弗逾禮制教長孫特達遊庠早食廩餼人稱巾幗國士

趙氏

監生韓高龍妻年二十七寡撫五歲孤守節孫經鏞遊庠人咸以爲亦氏之力

石氏

郭伯超妻年二十八守節

趙氏

留暉都岳

胡氏

李良友妻二十八歲夫歿子女尚在懷抱氏志堅金石雖因約不易其節撫子女俱成立孀居

五十七年
清操峻特

李氏

賈康妻年二十二康歿遺孤有成甫二齡氏克勤克儉矢志撫孤無何房產俱無寄食母家時

有欲奪其志者氏誓死不從又強之氏唾其面而厲言曰所言禽獸之行吾不為也遂絕膏沐毀容儀卒完其節

張氏

南關都樊文林妻

張氏

樊秉忠妻年二十五守節撫孤奉舅姑六十二卒闔族以冰雪清操匾其宅

李氏

南關都樊

賈氏

梁國賓妻夫亡氏年二十三守節孝事舅姑鄉人見而加敬

樊氏

韓有昭妻年十九適有昭相夫無失禮越二年夫病日篤每夕焚香祈以身代有昭疾革顧氏曰家無餘業遺孤朝會甫數月我死將以是累汝毋過悲氏再泣不能應夫歿誓以身殉嫂諭以大義迺感悟撫孤止慈家貧恒紡績以供教育孤稍長令學賈家遂饒裕咸豐間奉旨建

石坊以旌之

郭氏

石揚休妻年二十九夫亡撫孤守節

武氏

楊啟明妻年三十守節清靜寂滅

續氏

增廣生員薄維新妻詳見本傳

喬氏

北王都張

郭氏

東霍都李

周氏

增生張巖嵐妻年二十八夫亡守節

昌氏

張鵬翼繼妻夫亡氏年二十九家貧守節飢寒亦無他志

楊氏

梁占濂妻年二十九寡撫孤守節

劉氏

胡俊才妻年少喪夫守義不嫁嘗有言再醮者氏勃然曰無義人奈何汚我乃援刀以斷其髮張寅虎妻年二十四守節

張氏

周丕寬妾年十九夫病癱瘓氏喂飯著衣無怨色越明年夫歿事嫡克盡厥職族黨咸推其有

德四

梁氏

喬履瀛妻年三十守節

曲氏

閻居易妻夫亡氏年二十四孝事翁姑守節茂異

郭氏

范純義妻年二十九夫歿茹苦守貞始終如一

章氏

張懿鵬妻年幼喪夫守節有道

郭氏

吳繼書妻年幼喪夫守節以清白著

張氏

智晃妻年幼而寡守節有方

石氏

趙廷瑄妻年二十三守節八十三卒

薄氏

庠生胡躍龍妻年幼守節無玷清門

馬氏

李克明妻夫遭疾三載奉湯藥寒暑無倦意及卒氏少艾家貧媒婆以狂言引氏勃然曰媼勿

出此不義語以誨人淫竟斷其髮媒婆視之遂止

王氏

劉生源妻生子數月夫即出外不知存歿赤貧如洗因攜子歸母家以寄食時有欲奪其志者

氏刺容毀鬻人咸以爲節烈

常氏

賀輔世妻年二十五寡子女相繼亦逝氏撫任觀光爲嗣親見五世人咸以爲苦節所致

高氏

梁懸黎妻二十二歲夫亡女亦隨殤舅恐繼姑弱弟鬧場高難堅守許以良田三十畝爲異日

養老計高請於舅曰長次爲父母服有差等乎
舅曰無高曰五子皆舅所生服無異田產其可
異乎舅大悅從之有以改適餽者高痛哭曰繼
姑弟即親舅子也况善待我又何適焉爲未亡
人可耳與繼姑撫育弱弟不憚勞瘁未幾舅亦
卒繼姑善病高慨然以奉養爲己任侍湯滌溺
不離左右有司因表

董氏

其門曰三難競秀
儒童張正謨妻忻州生員董重女孝事翁姑內
外無間言不幸正謨以病亡氏方少艾守節恐
招物議扃戶自經翁姑救之曰我二人在汝不
得死氏泣而誌之越二十年翁姑亡氏老成女
亦適人遂立猶子爲嗣爲人貞靜好觀通鑑郭
樸延太史錄其咏史云育子何須若仲謀臣曹
不恥事劉羞東吳策士多如雨青

吳氏

韓暹妻年二十九寡撫孤第一元守節後第一元例
貢興家人咸以爲吳氏之德

張氏

舉人韓文長子汝清妻少寡無子撫嗣子守節

張氏

侯陞閤妻年二十七寡子幼家貧鷄衣糲食後
子出外無音耗人咸愍其苦節

張氏

生員薄鳳齡繼妻年幼喪夫遺三子俱幼氏訓
誠維嚴躬自課讀子三畏三錫俱入大學

盧氏

李天位妻年二十九寡撫三歲孤與失恃姪俱
成立人稱賢節

張門二氏

趙氏張道成妻孫氏張道隆妻俱年二十
寡並歷凶荒無改節人稱貞標霽月

丁氏

張嗣仲妻年幼而寡敬事舅姑甘貧守節蘇廣
文匾以節孝可風咸以爲得其貞實云

閻氏

齊慧業妻年二十三寡矢志守節

劉氏

增生樊鳳儀繼妻年幼喪夫撫前子與己子女
守節壽八十卒

牛氏

儒童樊金升妻詳見本傳

徐氏

樊燦然妻年二十四夫亡奉事翁姑盡孝撫育幼女成人孀居四十餘載人無間言

康氏

張統妻年二十二寡遺孤方周歲女伴以既不殉夫須早嫁諷之輒厲聲曰因夫棄孤孤累姑孤索乳時姑怨夫死何益爲未亡人可耳越年餘孤離乳氏問家人曰兒能離乳否眾不解問意咸曰離乳可活也氏含笑而退自縊死

姚氏

李現儒妻年二十九夫亡誓以身殉人懇勸自忖曰母無子賴我以生我死如母何躊躇間人報母病氏翁前告歸養越七年母卒葬畢回籍敬事舅姑婦兼子職人稱賢哲

馮氏

樊汝弼妻年二十五寡婦職克盡女德可風

丁氏

李魚妻年二十七寡撫孤守節

牛氏

張丕承妻二十三歲夫歿越三日生遺腹子連顯氏敬養雙親義撫遺孽八十二卒

傅氏

牛祿榮妻年二十一寡撫一歲孤抗志守節二十七卒

吳氏

李殿鰲妻年二十五寡赤貧固守紡績自給六十一卒

侯氏

張天理妻年二十九寡姑衰老氏定省扶持曲盡婦道人稱節孝

周氏

趙桂元妻年二十九寡撫孤奉姑熅糠粃不繼陶然也

齊氏

李國正妻年二十二寡安命撫孤

于氏

邢天賜妻年二十五寡撫六歲孤守節六十四卒

張氏

智一凝妻年二十五寡家遭否氏勤鍼黹以奉翁姑賣漿水以撫遺子積久未嘗少懈

李氏

牛遠照繼妻年二十夫歿事姑撫孤永矢冰雪戚里匾曰孝慈苦節

李氏

鄭堅妻年二十八夫歿仰事俯畜允無失德

李氏

任仲倫妻年二十五夫歿撫三歲孤備工度日壽六十七

李氏

智成中妻二十九歲夫歿遺孤甫三齡欲自縊姑諭以大義勉食壽八十一

郭氏

喬文義妻年十八寡撫月餘孤守節三十五卒

郝氏

邊成棟妻年二十九夫歿遺孤文根甫四歲撫育稍長親教之讀壽八十一

牛氏

邢開泰妻泰亡氏年二十九子穉翁姑黃考家貧親族憫其苦周以錢米辭不受曰此非吾命

有所

李氏

張應泰妻年二十八寡廉隅自飭撫孤守節

周氏

余特達妻夫亡氏年二十一或有勸之嫁者輒厲聲曰計惟自經方盡吾職奈二老在堂此吾夫欠事遂不死以立節蘇廣文賢之給匾曰玉壺冰潔

楊氏

余元達妻年三十寡撫子女五人守節七十餘歲卒

班氏

石廷宣妻性幽閒年二十五寡撫孤永年守節家甚貧艱辛備歷厥後浸昌人咸謂為氏之餘澤云

陳氏

石向陽妻年二十三守節孝事鰥翁人謂有陶嬰巴掃遺烈

牛氏

李逢吉妻年二十九守節

牛氏

石蒼書妻年二十一夫亡撫遺女嗣子孝事翁姑間靜守節

張氏

李用賓妻年二十四守節

周氏

江西吉安府知府李鎔經繼妻年二十九夫亡三死復甦守節異常五臺徐繼畬為撰墓表

劉氏

郝獻程妻年二十七寡撫遺女嗣子守節善事翁姑持家勤儉蘇廣文給以堅持雅操匾

劉氏

舉人吳慶元妻庠生劉克昌女年二十六寡遺孤尚幼截髮爲誓矢志苦守

張門二氏

劉氏張連山妻鞏氏張亥山妻俱年十八寡共居一室紡績寸絲不入私房欲用則取於公所不問孰爲己物事必商食必借歷數十年未嘗一日不相友愛人稱有鄭妙安徐妙

風圓

郭氏

霍保朝妻郭鼎齋女年二十七寡越三月生遺腹子天佑又買一婢女梅雲氏矢志守貞撫子育婢教養殷勤嘉慶丙子學院黃公鉞給匾曰冰雪清芬壽九十三終

王氏

徐維揚妻年二十五夫亡家人私相語曰王氏未能守節氏聞之憾甚涕泣謂翁姑曰媳嘗聞先人有言良馬不被雙鞍烈女不嫁二夫安知吾不能守節乎遂斷髮毀容朝夕哭請爲夫立嗣翁姑許之以猶子錫璽爲嗣氏撫摩鞠育五十餘年如一日

丁氏

石作元妻年二十九寡貞靜守節人皆敬服

李氏

邢金揚妻年二十二寡撫遺妊子守節家奇貧織紵易食越廿一年子媳夭折再撫孫男孫女次第成立蘇廣文贊其心肝冰雪

石氏

史建業妻夫亡氏年二十六祖姑年老二子俱幼氏謹事祖姑義方教子前任林公匾以柏舟

鞏氏

馮成泰妻鄉賢鞏懿修五女夙嫻內則及適成泰克盡婦道夫亡誓以身殉家人懇勸自付曰殉夫易保孤難乃縞衣藿食撫育二子俱成立次子元杰以文鳴諸生實氏教誨之力

史氏

馮名揚繼妻年二十六守節家徒壁立令生子拾熟炭前子刻苦菜以自給後家道粗足命子修葺祖塋躬親祭掃至老不輟壽七十二卒

牛氏

儒童張彬妻生員牛種義三女十五歸彬不五年夫亡氏一號仆地姑救醒之泣曰夫魂未遠婦隨往矣應聽婦死姑曰盡節得矣其如翁姑

郭氏

梁翰林妻年二十五寡子女俱幼氏以養以教俾得成立閭里皆稱慈節

周氏

蘭天興妻年二十八守節

梁氏

崔文元妻年二十三守節

楊氏

邢致中妻年三十守節

閻氏

劉綬妻年二十二夫亡痛哭終日自縊死

趙氏

梁士英繼室年二十七寡無出繼夫前子守節侯良弼妻年三十守節家雖貧晏如也

石氏

張氏

牛廣運妻年二十六守節與兄姪析產能推讓族人賢之欲為請旌辭曰守節分也何旌為

班氏

李萬昌妻年二十二守節三十六卒

盧氏

李天成妻年二十五守節

趙氏

韓永壽妻年二十六守節孀居四十年人無異目

牛氏

張永梅妻年二十八夫歿甘貧植節撫子女皆成立

劉氏

賈現龍妻十七歲歸現龍逾年而寡矢志守節家式徵氏以女紅度日六十五卒闔族為豎節孝碑柳亭詩人過而見題云名標碑上人常見節到貞時心更堅蘇廣文比之米顛書曹娥碑云

張氏

李見龍妻年二十八守節清幽寡交不與女伴晉接

梁氏 蘭振妻年二十八寡赤貧自守壽八十一

李氏 郭大儒妻年二十四守節至百有二歲卒親友
匾曰德嗣鍾郝

陳氏 齊思宜妻年二十一守節

薄氏 李枝興妻年二十四寡矢志撫孤六十四卒

程氏 陳而梅妻年二十寡無二歲孤守節七十卒

康氏 薄而敦妻年二十二寡撫遺腹子瑞麟守節

張氏 劉公篤妻年二十二寡撫子五常入武庠壽九
十一

梁氏 趙忠修妻年二十五守節

曲氏 閻昭妻年二十四夫卒撫一子家甚匱乃爲富
家媪簡默和易未嘗道人家事鄰婦女有爭者

氏解之相謂曰媪寒苦如此常歡喜勝吾輩衣食敢口舌矣晚年子業農糠覈粗給乃不復備壽七十七

張氏 閻泰興妻年二十三夫卒撫孤糠糶不給晏如
也

劉氏 張安邦妻年二十五寡知書子稍長親教之讀

劉氏 薄爾福妻年二十七寡家寒素撫嗣子以慈著
姑性嚴從無觸怒

閻氏 梁祿川妻年二十九守節

牛氏 智鶴揚妻夫亡家窶餐英飲漿識大義教子彥
榮梗直有方嘉慶十五年學院黃公鉞給匾曰

冰潔流芳

王氏 生員智性成妻年二十四寡撫孤藏用守節藏
用稍長親課其業

劉氏

樊琇妻年二十一寡家徒壁立鉞菑自給六十
九卒

趙氏

郭維邦妻年二十七寡撫孤守節

劉氏

郭安華妻年二十六守節

郭氏

陳大德妻年二十五夫歿鉞菑度日有司王之
屏以冰玉清操匾節

張氏

李二玉妻惡少朱三海逼姦自縊死三海擬流

賀氏

蘭伯齡妻年二十三守節八十五卒

郭氏

蘭守誠妻賀氏之媳也年二十九寡與姑同勵
冰操壽七十五卒學院黃公鉞匾其門曰冰雪

杜氏

張維清繼妻年二十二寡撫子國正入洋

趙氏

孟仁義妻年二十七寡矢志守節

張氏

薛雲會妻年二十寡撫二孤守節

楊氏

杜履益妻年二十四寡撫嗣子守節

薄氏

李照順妻年二十二寡撫數月孤孝事翁姑姑
病患遺洩氏左右奉養衣不解帶者數年厥後

家聲丕振人咸
謂氏德所致云

葛氏

生員石文龍側室年二十文龍卒無子正室欲
嫁之葛不從立嗣撫之名嗣祖嘉慶戊辰入洋

學院黃公鉞給
匾曰茶苦蘭芳

李氏

趙騰龍妻年二十八寡食貧撫孤壽八十五

周氏

齊兆麒妻兆麒病自計必死割帶玦與周作別
曰我死汝艾勢在必嫁周曰妾雖至愚獨不曉

不二義耶良人善養勿過慮若或不幸妾亦從逝矣兆麟卒周把玦哀號不食旬日亦死玦猶在手掌不可開時年十八事

李氏

牛銀漢妻年二十二寡撫一子守節

智氏

宋履仁妻年二十一寡母欲奪其志權以陰疾辭之守節數十年始終弗渝

宋氏

高占元妻年二十九寡撫三孤成立蘇廣文圖以金堅玉潔

宋氏

韓兆台妻年二十守節事衰姑撫嗣子壽七十餘卒

趙氏

郭常順妻年二十八寡撫二女一子守節

梁氏

齊嶺妻年二十二寡事姑撫孤以孝慈著娣姒之間從無詬諱

閻氏

劉道隆妻年三十夫歿家貧撫一子守節壽八十二卒

李氏

任鳳聽妻年二十七寡撫女奉翁姑飢寒無異志

胡氏

牛名富妻年二十八寡慈以撫孤儉以養德

鄭氏

李德裕妻年二十八寡事翁姑撫孤子屢歷凶荒無異志

傅氏

牛光輝妻年二十六夫亡越十日生遺腹子連登撫孤奉祖姑母儀兼婦道前任王公恂獎以范

陽德

李氏

梁裕中妻年二十四寡撫孤奉翁姑仰事俯畜勞形稿枯

周氏

貢生張巖塗繼妻年二十九寡撫前女守節姑稱其有貞靜之德

王氏

曾聖績妻年二十七寡事舅撫孤貞操丕著

任氏

靳璜妻年二十九守節撫女適人能睦族人稱教門無雙

張氏

韓滿懷妻年二十四寡撫女守節

溫氏

高步雲妻年二十二寡柔順事親立志不嫁

劉氏

張喜文妻年二十七夫歿持家教子母代父職人咸樂道其德

曲氏

張世卿妻年二十七寡孝事繼姑繼姑病將革氏目不交睫食不入口者數日嘗語人曰他人

為婦只盡婦職我宜婦職兼子職繼姑歿寢苦履血俗遵禮節教子亦有義方人稱賢孝第一

傅氏

牛綸魁妻年二十九夫亡遺子女各一家貧以裁縫度日越十年翁姑與孤繼歿祖姑尚在氏

竭力奉養取族姪為嗣教誨成立七十二卒

王氏

封公王松齡女年十六適趙貴甫一月舅亡夫遠出歷三十年無音耗姑謂氏曰吾兒三十年

來並無消息必死無地矣吾今作主爾可改適尚不悞爾終身氏曰姑何為出此言也媳願終

身侍姑良人存否勿計媳生為趙氏人死為趙氏鬼長與姑生死一堂矣絕不以金玉之體更

成泥土之形祈姑容納勿疑姑歿氏年五十四喪葬如禮宗族義之為立嗣

張氏

李顯春妻夫歿撫遺腹子績紡為業知縣阮棻給匾曰瑤池冰雪

牛氏

丁人傑妻年二十六夫歿遺子一氏教以持身接物子亦淬勵自新克紹母烈

曲氏

池雲零妻五臺曲子惠女榮於色美於行夫早死不嫁富豪使媒聘焉氏以婦人之義一醮不

改辭再聘氏援鏡持鍼刺其面曰富豪之求妾者為色也毀容之人無用求矣媒以報富豪慚

愧而殂

王氏

張良玉妻年二十三喪夫哀毀滅性母恐過感傷生今媒以利害毀譽勸氏改適氏心終不為

動媒驚歎曰惟良玉也而有鐵婦

汪氏 王道安妻年二十七寡茹荼舍辛皎然不渣

辛氏 邢恒德妻年二十四寡姑欲嫁之不肯姑語人曰媳事我勝於女我如何勸嫁特恐悞青年悔耳氏終不從

竟抑鬱死

侯氏 韓執弓妻年二十八守節家貧紡績度日五十

韓氏 貢生韓必正女年十六適薄書酉越七年書酉卒寄食母家終身鵠立

周氏 段鳳魁妻年十八守節以姪為嗣如同己出

智氏 吳續貴妻年二十一夫歿撫遺腹子守節壽七十一

齊氏 董家聲妻

劉氏 李鍾義妻年二十八寡事翁姑曲盡婦道撫嗣子不愧母儀里人嘖嘖稱其孝慈

曲氏 祁進達妻年二十五喪夫撫遺孕子旺槐守節壽八十

趙氏 郭映青妻年二十九夫歿翁姑哀痛成疾氏幾諫曰孫賴媳生媳恃親活過感傷生如親媳孫何翁姑納之痛稍節

其義

田氏 薄上苑妻年二十八夫即世家貧無生計氏自咽藜藿而奉舅姑以甘味苦節五十年人咸稱

其義

胡氏 薄光前妻年二十二夫歿家貧無生活撫遺女寄食父家父憐其無依欲再適氏以不忍離親辭遂全

其節

薛氏 常維屏妻年二十七喪夫撫姪為嗣或有諷之嫁者輒唾其面而數其罪

傅氏 忻州舉人傅美成女幼有才名年十九適進士牛書田長孫紹殷扶牀誦書有齊眉風越七年

紹股歿撫
嗣子守節
李世華妻年二十八寡撫孤奉翁姑

薄氏
王六龍妻年二十二寡撫孤夢蘭守節孝事舅
姑曲盡婦職學院黃公鉞給匾曰梅粉梨雪
王夢卜妻年二十二夫歿撫數月孤守節八十
三卒

張氏
韓嚮離妻年二十九寡撫八月孤守節七十九
卒
趙元惠妻年二十九孀居飢寒亦無他志

梁氏
于鍾綬妻年二十三寡事姑撫孤潔比瑾瑜

李氏
齊世卿妻年二十八喪夫家貧撫孤言笑不苟

韓氏
齊延基妻年二十六寡孝事舅姑竭情盡慎

王
趙氏
喬福元妻年二十五寡撫孤守節

喬氏
齊美名妻美名經商客死於燕邸氏聞之號泣
設靈祭奠所遺雙雛撫育成立家甚貧日不再
炊始終不異其節邑名宿吳德光憑弔云幾年
傲骨如山立一片冰心對月孤鄉評以為切實

楊氏
薄化甫妻年二十六寡撫六歲孤瀛泗守節閒
靜少言從不輕出門閭鄉里有貧乏可憫者特
造瀛泗給以衣
食壽九十卒
樊氏
于先培妻夫亡氏年二十四教子有方誓不二
志
岳氏
于先仁妻年二十五寡家道極貧日以紡績養
子女
張氏
梁巨川妻年二十二寡撫嗣子萬珠守節六十
七卒
楊氏
于麗中妻年二十一夫歿無出事翁姑有愉色

班氏

子文恭妻年二十二夫死養姑無資自啜糠粃而奉姑必以滫瀡

郝氏

鄭有舅妻年二十五寡無子以姪全達為嗣

喬氏

幼貞靜約韓如昇為婚將行聘如昇失明氏父使媒申前好如昇堅辭媒以告氏曰豈可因夫瞽而棄約乎卒適之年二十一夫卒氏悲哀誓不改適撫姪為嗣如同己出

趙氏

智雄才妻年二十六寡家匱甚鄰婦勸其改適氏泣曰遺子再無母何以生翁姑再無婦何以養人稱知禮

趙氏

于先富妻年二十五寡家貧守節撫子女奉衰姑搢履織席壽九十卒

杜氏

智平章妻年二十三寡誓不二天婦道從一洵不愧云

郭氏

高文元妻年二十五喪夫二孤俱幼氏紡織為生飢寒不渝

李氏

張培基妻年二十九夫亡守節

汪氏

王恒珍妻珍歿氏二十二歲家甚貧或有勸其嫁者輒厲聲曰貧窮有命守節由我勸者慚愧而去

何氏

張丕烈妻年二十三夫亡奉姑守節家赤貧度用取給紡績

韓氏

幼端靜年十七適 誥封奉政大夫梁雍南二十九歲夫亡子藻冕與女方在襁褓越三月生遺腹子章冕氏矢志守貞甘貧植節撫子女俱成立藻冕入太學例貢章冕早年領鄉薦勅授雲南宜良縣知縣封氏宜人卒年六十四

張氏

趙宜經妻年二十六寡撫孤守節五十六卒

齊氏

周立本妻年二十八夫亡舅姑繼逝氏撫育夫弟人咸稱義

于氏

徐丕承妻年二十三寡奉姑撫孤守節壽終

王氏

徐天位妻年二十一喪夫撫孤奉姑矢志不二

郭氏

邢孔昭妻年二十四寡事鰥翁甚孝撫遺孤成

韓氏

立勤苦自守始終如一
齊濟榮妻年二十九夫歿撫三子皆成立人稱

余氏

慈節
張際昌妻年二十三夫歿氏亦自縊

喬氏

周運芳妻年二十一寡撫孤守節六十一卒

盧氏

曾子屏妻年二十八寡家貧無子性耿介事姑

鄭氏

終身罔懈
曾聖統妻年二十六夫故事舅撫孤貞聲昭著

高氏

智周璵妻年二十五寡撫嗣子鶴亭守節姑性

李氏

沉靜氏亦寂滅
郭世熹妻年二十七夫歿五歷凶荒無改節

于氏

史印清妻年二十四守節撫嗣孤如同已出

侯氏

黃鉞妻年二十二寡事舅姑婉順撫一子成立

梁氏

任正時妻年二十五寡撫遺腹子寶親守節

楊氏

梁會普妻年二十六寡撫七歲孤秉智守節

智氏

師纘福妻年二十六守節

史氏

王桂芳妻年二十五守節奉姑撫子未嘗懈弛

趙氏

郭東亮妻年二十七喪夫家甚匱攜二子乞食

鄭氏

奉姑
李彭運妻年二十八寡撫孤守節孤長親課其

夏氏

邢俊妻二十九歲夫亡家貧為富家媼性狷未嘗私取人一錢人服其廉

郝氏

李道彰妻夫亡氏年二十四撫孤奉翁姑矢志不二

武氏

薄學詩妻美容儀性直諒二十五歲夫喪自忖殉夫能弭謗因拔所佩簪刺其項血淋漓一家

驚歎目眩久好似秦庭狀音啞終身咸稱女潁讓

蘭氏

劉永康妻

韓氏

庠生宋鴻文妻年二十三寡孝翁姑慈嗣子和妯娌人謂有竹扉舉止

閻氏

卜齡遐妻年十九寡撫二歲孤抗志守節

徐氏

例貢薄繼徽妻年二十七寡矢志撫孤孤歿又撫二孫成立

王氏

趙永凝妻年二十三寡知禮識義教子有方

李氏

于先和妻年二十寡撫三歲孤守節家貧紡績

至老不輟或謂之曰人生世間如浮雲過太虛耳何辛苦乃爾氏曰淫自情生貞由勤出不誠

續氏

舜路蹠途焉知賢鬼域鬼域蹠途吾豈行乎薄慎徽妻年二十八寡孝事舅姑貧而無怨

王氏

李慶宗妻年二十一天歿水漿不入口者六日

家人憐其苦以點水潤口即噴出或有勸者氏曰吾夫與吾如比翼鳥連

李氏

岳凌奎妻年二十六寡姑老子幼以孝以養

喬氏

鄭矩箴妻年二十二夫亡撫姪為嗣律身甚嚴

郭氏

喬秉忠妻年二十九寡撫孤守節

張氏

周佐邦妻年十四適佐邦姑即世相夫子克稱翁志二十八夫亡遺孤懷仁甫四歲氏撫字殷

勤人咸稱義

李氏

張仲昌妻年二十九寡家貧食力撫嗣子守節六十一卒

楊氏

張榮陽妻年二十八守節撫遺孤力業五十五卒

章氏

張秉倫妻年二十三夫歿撫孤守節

銀氏

會德明妻年二十三寡赤貧無子事舅甚孝人稱女忠孝

王氏

手承祖妻年二十八夫歿家貧日以女工自給女伴多嗤其拙

吳氏

閻世隆妻年二十九寡撫孤化普守節

管氏

張二酉妻年二十八守節辛苦備嘗七十四卒

董氏

邢春林妻年二十七寡撫孤守節矢志靡他

陳氏

簡文芝妻年二十七夫歿奉老慈幼七十四卒

齊氏

張文莊妻年二十四夫歿撫子玉燦成立子亡再撫孫男清俊清傑次第成立人稱賢節

師氏

梁瞻灝妻年二十九寡矢志不嫁

郭氏

吳錫勇妻年二十一寡事舅姑孝撫孤慶龍慈姑老且病飲食醫藥必躬親之及持喪哀毀盡

禮鄉人稱焉性嚴重不妄喜怒家富氏處之不侈不陋服飾器用皆有法度可觀春秋八十餘終

李氏

王世祿妻年三十夫歿藜藿不充抗志守節

梁氏

智明哲妻年二十五寡有奇節與鄰婦合燭夜績梁貧燭不繼鄰不與績躊躇間忽有一媪賜

燭眾驚異問之媪曰時行方便勿得獨善其身遂不見鄰婦恐仍與績梁倍加修省以厲其節

續氏

徐作棟妻年二十四喪夫撫五月孤守節五十
四卒

梁氏

邢書海妻年二十二寡撫孤守節

丁氏

周光庭妻年二十九夫歿撫遺腹子賜璋守節
孀居三十一年卒柳亭詩人輓之云漫誇白髮
貞心易始信紅顏守節難蘇廣文謂知詩人措
詞之切愈覺丁氏之貞

李氏

郭樹棠妻年二十一喪夫撫孤良翰謹事繼姑
每典簪珥供翰讀書翰入泮僉曰都始見李貞
有鳳

薄氏

蘭懋昭妻年二十一寡子女俱幼氏訓曰子女
當幼宜衣布素食粗糲勿看豐美便是佳子女
後女悃幅無華
母教使然也

劉氏

樊靖才繼妻年二十五寡貧苦矢節撫遺孤福
積成立六十六卒

韓氏

宋國樑妻年二十九寡撫孤守節好善樂施道
光十五年襄飢捐米賑濟鄉人德之

陳氏

師善綉妻年二十三寡撫二歲孤崇德守節歷
四十年如一日

張氏

史封爵妻年二十一夫亡順事翁姑撫孤績紡
厥後浸昌人咸景仰

張氏

喬杏林妻

吳氏

劉銑妻

李氏

張德順妻

李氏

張鵬翼妻

劉氏

賈德珍妻

吳氏

韓銘遠妻

吳氏 周建本妻年二十五寡撫孤風光守節

梁氏 史文元妻

李氏 郭以琮妻琮歿氏少艾守節非大故足不出門

田氏 郭安寅妻年二十四寡家貧日膳長蘆撫五歲孤七歲孫前後成立壽八十四卒

宋氏 孫懷光妻

梁氏 史奇元妻

于氏 史垂芳妻

張氏 周思溫妻年二十八守節

齊氏 韓殿甲妻年十九寡撫姪爲嗣矢志守節

萬氏 郭創基妻年二十七寡二子俱幼家赤貧翁不能養數令再醮不從日以辟纊自給道光十二年大荒翁不令知謀欲強鬻氏先覺乃被髮佯

狂率子乞食卒完其節

智氏 梁興棟妻撫嗣子成立人稱貞節

胡氏 牛行仁妻茹苦含辛守貞不二

蘭氏 賀麟泰妻二十四歲寡撫四歲孤成立七十一卒匾獎荻畫松齡

郭氏 樊爵侯妻

董氏 周聚業妻

張氏 王萬國妻

閻氏 劉皇柱妻

閻氏

胡祥臨妻年二十一夫患瘋渴水死氏撫三歲孤守節七十二卒

盧氏

馬士恒妻

余氏

周士忠妻年二十四寡貧苦守貞鄉人頌以清標彤管

李氏

宋世奇妻

田氏

生員趙培元妻年二十五寡性貞行懿人稱女英傑

郭氏

祁天福妻

常氏

侯正通妻

侯氏

張元龍妻

徐氏

薄文炳妻

郭氏

鄭弼妻年二十六夫歿家貧性廉潔臨財毋苟得五十二卒

樊氏

賀蓉鏡妻年二十四寡撫孤占鰲守志母家適諸姪失怙恃氏體親心而兼撫之凡諸姪澣衣

盥面皆依賴於氏蘇廣文給匾曰天性醞至

薄氏

郭翼廷妻

鄭氏

蘇忙妻

侯氏

齊清潭妻二十五歲夫亡親教遺孤讀書一日孤與人偕譁氏適見之訶曰小子何得狂誕後

孤謹飭母德格之也

常氏

丁春田妻二十八歲夫歿撫嗣子守節壽臻大

傅氏

丁克懋妻年二十三夫歿撫二孤守節二孤亦歿再撫兩孫成立艱辛備極

齊氏

丁義田妻舉人齊繼呂孫女年二十九夫歿遺孤甫四齡氏撫育教訓三十餘年人無間言

樊氏

郭維城妻年二十二夫死守制不嫁居茅屋爲淫雨半圯氏牽蘿補之暑蔽風雨冬月寒人勸其塗墍茨氏曰不須正欲月星照榻霜露侵簷同我光明清潔耳號茅廬節婦

王氏

生員吳慶熙妻年幼夫亡遺子女俱幼氏撫摩鞠育俾得成立

續貞女

于純倫妻詳見本傳

邢氏

樊油然妻年三十寡撫育幼子成立壽七十卒

馮氏

王綬妻幼靜一二十七歲夫歿孀居五十年足不出閨閣

鞏氏

樊昌妻年幼喪夫甘貧守節

張氏

樊煥亮妻年十八寡撫嗣子守節敬事翁姑婦道罔缺人稱賢德

郭氏

范玉瓚繼妻年三十寡撫已子與前子守節五十六卒

王氏

常書雲妻夫亡氏年二十三撫孤炳章守節及就外傳氏亦日課其業

郭氏

賀俊秀妻年二十七寡撫子如壽守志母家

邢氏

石永智妻謹事舅姑和睦妯娌訓子有方柏舟自矢

梁氏

邢大庸妻進士梁述孔從姊也年二十四寡遺孤幼弱家貧無依日不再食遂挾子寄居母家以鍼帶易縑糝自給及週年荒並日一食每謂所親曰計惟自經方盡吾職奈一門嗣續在藐孤孤未成立此吾夫

岳氏

欠事七十三乃卒
梁映庚妻年三十四寡撫孤守節格外題 旌

梁氏

杜毓洙妻進士梁述孔孫女舉人梁以廉長女也年二十夫歿撫嗣子守節六載而卒

史氏

王殺妻年二十八喪夫翁姑老而善病氏親侍湯藥久而不倦撫育二子咸成人稱女英彥

張氏

王光裕妻年二十九寡撫孤守節歷數十年如一日

張氏

王景福妻夫亡氏年二十九子幼家貧日以女工餬口

冀氏

王清佐妻年二十九寡誓不再適義以訓子人稱慈節

常氏

史正卿妻年二十九寡撫三子守節

趙氏

郭以謙繼妻年二十二寡孝事孀姑沉靜簡默撫前子如己出後子媳繼天再撫幼孫成立人

皆樂道

其德

閻氏

梁達泉妻年三十夫歿糲食鶉衣撫四子守節

王氏

梁興泰妻年二十四寡家寒素撫遺孀子守節七十八歲卒

周氏

閻光妻年二十三守節撫孤亨泰克儉克勤厥後子孫貴顯人謂其來有自云

黃氏

劉作屏妻年十九寡撫嗣子錫齡守節

馬氏

周映西妾年十七寡與嫡相得嫡失明氏扶持便溺十餘年毫無倦色鄰里共稱其賢壽六十

九卒

周氏

李吉禮妻年二十二寡撫嗣子遷榮守節

焦氏

傅念祖妻年二十八守節

楊氏

傅遵祖妻年二十九守節

李氏

毛文遠妻

楊氏

張海生妻

賈氏 王岐黃妻

郭氏 丁克勤妻

趙氏 李盛洪妻

杜氏 梁守樸妻

郭氏 梁治寬妻

劉氏 樊天康妻

馮氏 劉士宏妻

郭氏 石繼榮妻年二十七寡屏絕紛華人服貞節

黃氏 傅啟蒙妻年二十九守節

陳氏 恩貢陳元普女侑生郭以升妻廿三移所天與姊宋氏守制雅愛唐史瑤池古冰雪為妾作心

肝之句因號
冰雪節婦

朱氏 郭以恒妻例貢宋世珍女年十四歸以恒二十

一以恒歿與妯陳氏同勵冰操共訓厥子子鳴
雍弱冠遊膠庠人卜
他年前程無量云

郝氏 李嚴妻年三十夫歿撫嗣子守節年近九旬身
猶矍鑠

周氏 生員石溪蓮繼妻年二十七寡家赤貧日以女
紅度日

趙氏 張奮翼妻廿一而寡誓不再醮或有諷之嫁者
則掩耳而走不與絮談人問之氏曰守義耳豈
可令人
汚耶

趙氏 班喜牛妻夫亡氏年少奉事孀姑盡孝撫育幼
子以慈子復繼天氏志愈篤孀居五十餘年卒

李氏

子相邦妻年二十三寡撫女適人痛號自燒而絕

樊氏

陳永奇妻年三十寡撫三女守節

張氏

陳佐虞妻年幼夫亡簞瓢屢空日以紡織易糠
穀八十五終

馮氏

張連雲妻年二十一寡家奇貧撫孤守節亦稍
長傭工度日氏以紡績佐之歷五十年如一日

李氏

王良寬妻

梁氏

齊揚妻年十九寡矢死不嫁

周氏

吳敦書妻赤峯縣周四女年二十夫歿蓬頭垢
面竟廢膏沐

張氏

吳獻書妻神池縣張立誠女年十七守節

汪氏

王步雲妻年二十三寡撫孤守貞家道日興

邢氏

王清裕妻年二十二寡撫孤守制厥後浸昌鄉
人稱羨不置

薄氏

李岐山妻年三十夫亡撫二子守節

曲氏

生員薄如山妻歸如山十二年守節善事舅姑
撫孤成立單衣御冬糠粃度日壽七十餘卒

毛氏

梁岱雲妻年二十三寡撫嗣子守制窮且益堅
不墜冰霜之志

薄氏

儒童梁連山妻二十一歲寡撫嗣兒女守貞事
舅姑以婦代子兒年弱冠又天乃豫刑其髮以

自誓舅姑相與愍之曰何貴義
如許對曰恐撫嗣女不堅耳

師氏

儒童梁以寬妻進士梁述孔四媳二十一歲夫
亡遺孤廷緒甫二歲氏撫育教訓得成業儒有

九熊畫荻風焉厲節十八年以疾卒廷緒痛母
傷生嘔血亦卒論者謂妻為夫節子因母亡允
宜旌表以
闡幽光

張氏 周榮岐妻

喬氏 生員梁玉峯妻年幼守節茹苦含辛

邢氏 鄭恩紋妻年二十九寡自奉儉約與人無忤

呂氏 李映垣妻

張氏 郭殿邦妻

智氏 杜雲鸞妻

邢氏 劉裕昌妻

張氏 邢萬化妻

韓氏 劉文煥妻

宋氏 齊國章妻

續氏 郭全德妻

汪氏 王良珍妻

樊氏 郭懷德妻

楊氏 王正宜妻

鄭氏 周安義妻

劉氏 議敘蘭懷孝妻年十六歸懷孝懷孝隨及氏撫
副子守節四十五卒

梁氏 周道禮妻年二十二寡撫孤有道治家儉勤

郝氏 李祖伊妻年二十六夫亡子女各一氏翦金自
誓壽八十三卒

張氏 韓宜軒妻年幼夫歿甘貧植節嘗見再醮婦不拜或問之曰吾知尊節婦而已

溫氏 韓富宣妻年幼而寡守制不嫁

牛氏 傅思敬妻年二十三守節

戎氏 蘇勤業妻年幼守節力屏紛華一日村社報賽婦孺觀者如堵戎獨採薪不願賓者僉贊曰此奇女也

楊氏 翟文魁妻年二十二夫亡遺孤尙幼氏以養以教惟重耕讀

郭氏 儒童牛述殷妻述殷早死遺孤在抱氏安命孀居教子成立人稱賢節

王氏 邢慶和妻和素有惡疾弱冠而歿氏年少有大節家人三奪其志誓死不從輿論偉之

王氏 吳錦妻舉人王純修妾年二十八錦歿撫遺女與嗣子守節

郭氏 周儼然妻年二十八寡撫弱女適人奉孀姑壽終

邢氏 張行仁妻

賀氏 郭天元妻年十七適天元不彌月天元病將革顧謂氏曰死不足恨但痛雙親垂老小弟幼弱抱恨於黃泉耳言訖乃卒及大斂氏操剪截鬢髮納之棺中家人問故答曰不幸早寡恐父母未諒妾心以此自誓慰良人於九京也有列傳見拾遺集

閻氏 薄光前妻

張氏 薄裕後妻

趙氏 張紹明妻

薄氏 杜霞靈妻

鄭氏

郭超城妻年二十一夫歿性孝家貧備工度日壽逾七旬身益矍鑠

傅氏

郭以儉妻年二十七寡撫孤守節家貧為備每并日一食

余氏

郭以錦妻生一男五歲而以錦卒氏年二十三守制不二兒又早夭乃立姪孫承嗣壽七十二

終人稱桓
茂行義

邢氏

范克中妻年幼守節奏 聞旌表

張氏

韓建業妻

戴氏

范奇財妻

劉氏

杜冠瀛妻年二十二寡撫遺腹女與嗣子守制復振家聲建坊旌節

齊氏

李國裕妻年十九守節

蘭氏

牛德昭妻

董彪二妾

武清縣巡檢董彪歿妾王氏年二十四金氏年二十二各撫三歲孤共勵冰操持家

以嚴教子以義子學禹學湯十八歲同日遊庠人咸稱為雙節所致

張氏

增生董學禹妻二十七歲寡遺孤在抱矢死靡他奉孀姑克盡婦道

董門二氏

張氏董九齡妻王氏董九齡妾張性溫柔能和娣姒勸夫納王從無妬忌九齡卒王

年二十一遺孕生男與張同心守節家甚貧艱辛備極張壽七十四終王亦哀慟而卒時年六

十一

張氏

王允獻妻年二十五寡姑患癯疾氏為之除糞滌穢十餘年無倦色守節七十一歲卒

靳氏

劉永春妻年二十八守節壽六十一

齊氏

西河頭李運昌妻年二十五寡家貧以鍼指度日奉姑撫孤人稱賢節

崔氏

蘭飛兆妻年二十三守節壽八十二卒

張氏

陳光琳妻夫亡氏年二十七孤甫二歲孀居四十餘年始終不易其節

張氏

石廷龍妻年二十六寡撫孤守節鄉里咸稱有端莊靜一之德

張氏

石書詔妻年二十九夫亡撫子女守節

徐氏

范丕注妾年二十九寡子尙黃口嫡逼嫁不從矢死堅守備歷艱辛壽七十九

張氏

馮清河妻年二十九夫亡遺一子尙幼家清貧氏承微度日殊無異志

馮氏

于秉忠妻年幼守義以婉順事鰥翁人稱養志

趙氏

鞏廷桂妻年幼而寡矢志苦守卒年四十有五

郭氏

張正基妻年二十八夫亡無子家甚貧日不再食或有諷之嫁者輒厲聲曰身可餓死節不可

或玷也壽八十八卒

郭氏

趙存傑妻十七歲歸存傑越五月夫亡氏撫嗣子天寵守節

李氏

韓春發妻年二十一寡無出孝事舅姑其母憐其少欲嫁之氏涕泣不已以死爲斷母不復言

氏夫昆弟三人相繼夭折惟次叔生一子氏撫摩鞠育終身如一日

郭氏

陳六計妻忻州武舉郭春風女年十七適六計二十四六計歿氏亦自縊

李氏

蘭根種妻年二十五寡壽七十終鄉人圖曰竹節松心

崔氏

王小發妻年二十四夫亡撫孤守節家貧翁姑繼歿氏撫七歲夫弟如同已出內外稱賢壽七

卒十

梁氏

齊進有妻年十七歸進有二十一進有亡矢志苦守始終不渝

王氏

張續金年妻十六歲歸金年生子順昌甫二歲金年出外不返家徒壁立氏日以鍼黹易糶糠

曾不乞假宗族冰操三十餘年始終一轍

郭氏

于潤寶妻夫死氏年三十遺二女無子以姪逢漳為嗣孀居四十年養殮多不繼

趙氏

徐聯科妻年幼夫亡遺一女家甚匱氏矢志苦守衣食悉從十指出撫女成立及時婚嫁潔操

歷三十年咸稱貞節

周氏

張中倫妻年幼而寡守節壽終

劉氏

王本懷妻年二十二寡二子方齠家道貧寒矢志守節子稍長傭工度日氏以女工佐之歷

數十年如一日

皇甫氏

賈石櫃妻年二十六夫亡撫二孤守節家奇貧日祇一食

劉氏

郭崇乾妻年幼而寡撫孤守節

張氏

王泰來妻夫酷嗜飲博蕩產滅身氏堅操茹苦日午不爨窮冬單衣艱辛備嘗撫孤成立孤復

夭亡及遇荒年竟餓死以完其節

章氏

舉人張應蛟妻貞靜而有才幹年二十九應蛟歿有偷兒入其室章伴為不知暗曰今夕賴得

某在家相護可無憂矣某者戚中之有勇力者也偷兒聞之潛逃章孀居五十六年卒鄉人咸

稱貞節

侯氏

儒童郭星橋妻崑邑拔貢侯仁民女風流俏麗姆教素嫻年十六歸星橋孝事舅姑和睦妯娌

一時咸稱賢婦越十年夫遭疾氏奉侍湯藥三

歷寒暑無倦色及卒舅姑俾歸室冀寬其心氏

曰舅姑在婦不敢死死則有餘辜矣聞者莫不墮淚

郝氏

楊岐妻年二十六寡舅姑年老家壁四立氏奉姑撫孤孝慈曲盡及子卒再撫孫男成立人稱

賢節

樊氏

于林沛妻結褵一載夫亡隻身四十六年極養志以慰翁姑婦兼子職六十餘卒

蘭氏

張官文妻年二十九寡撫孤守節家極貧處之怡然無愠色鄉評云柏舟之志井水之心斯其

實錄歎

楊氏

余文玉側室夫亡氏年三十遺二子正室逼嫁不從撫孤守節六十卒

傅氏

劉海妻年二十八夫亡孀居三十餘年四鄰未嘗覲面

管氏

梁天才妻年幼喪夫家奇貧寄食母家父二玉失明便溺必須人氏出入扶持不離左右日以

薪薇易糟糠自給奉父母必以旨甘遇凶荒日不再炊或勸改適氏涕泣截髮以明志七十餘卒

范氏

趙永豐妻年幼喪夫撫女歷四十年如一日

牛氏

張殿光妻年十九寡知縣王之屏匾曰苦節可

汪氏

王旺業妻年二十四夫歿矢志靡他壽七十八卒

張氏

智懷義妻年二十四守節壽七十三卒

牛氏

智憲章妻年十八守節

趙氏

郭本富妻年二十八守義奉舅撫孤孝慈周至家奇貧父母欲奪而嫁之誓死勿許輒取柏舟

詩以絕之

師氏 郭梅妻年二十七守節七十五卒

牛氏 張恒德妻年二十二寡撫嗣子教訓有方鄉人
匾曰孟母遺風壽七十終

劉氏 張謨妻二十六歲夫亡撫周歲孤翠然守節四
十五卒

卜氏 生員張履孝妻年二十五夫歿撫孤守節屏絕
繁華終身靜一

王氏 齊黑妻年二十八寡撫二孤守節貧無立錐資
編箕以度日

蘭氏 張銀昇妻年二十七夫亡撫嗣子成立治家以
勤壽七十四卒

劉氏 周式謨妻廩生劉世昌女年二十九夫亡撫三
孤守節

王氏 范守金妻年二十一守節壽八十一卒

李氏 閻黃書妻年二十三守節

楊氏 張龍錦妻年二十五夫歿矢志守貞嚴以教子
學院黃公給匾曰節箴女史

李氏 侯犁雲妻年二十九寡撫二孤貧苦守節壽八
十四卒

毛氏 趙逢善妻年二十六夫死孀居三十餘年節孝
雙美

梁氏 齊興東妻年二十五夫亡安貧守節

樊氏 張誠意妻年十八夫歿哀毀半載竟自縊

田氏 胡其謙妾本籍岢嵐十五歲從謙三十謙卒撫
二孤矢志不渝持家勤儉事嫡惟謹家道賴以

振興人輒贊
其內映明景

范氏 李寬然妻年二十九寡撫二歲孤奉衰姑以鍼
工度日人謂其有冰雪心肝孝慈色

劉氏 智成瑛妻年二十九寡撫孤鶴年成立和睦妯
娡人稱賢節

閻氏 智萬鍾妻年三十夫亡持身儉樸撫孤事翁姑興家立業人咸以爲天彰苦節

高氏 智鶴齡妻年三十寡撫孤世昌成立事繼姑無違芳徽足式

王氏 牛安常妻年二十三守義運極不齊而終無他適意

張氏 牛鑑玉妻年二十五守節

張氏 貢生張運亮女年十五歸武生牛種福爲繼室閱三年夫歿憂憤成疾執姑手曰兒不遽死爲

事翁姑耳病至此不如速死遂絕飲食而亡時年二十有三

賀氏 牛生芳妻年二十五寡撫三月孤守制糟糠自甘人稱黃鵠表義

鄭氏 牛全斌妻年二十七夫死節孝雙美

石氏 武生牛直妻年二十一寡自知薄命家素封吃長齋謝鷲悟空矢志冰雪供佛壽終

趙氏 樊元好妻年二十二寡撫一女守貞鄉人欽慕匾以竹節松心

王氏 岳福保妻年二十七寡撫三歲孤守節家貧資織紡以度日

趙氏 楊進昇妻年二十八夫死撫孤奉舅姑貞順自矢

張氏 李黃生妻年十七適黃生二十而寡撫遺女守節人稱貞烈

賈氏 邢永泰妻年二十六寡撫孤守節歷六十年如一日

常氏 張元魁妻年三十寡撫一女適人守節終

趙氏 張元鰲妻年三十寡家奇貧日祇一飯及餓且死無怨言

張氏 鞏述尙妻年二十九寡撫二子守節

徐氏 鞏際生妻年二十四寡家貧飯蔬食沒齒無怨言

郭氏 傅金局妻年二十一寡無子孀居五十餘年預知卒期

賀氏 趙法妻年二十寡家貧無資寄食母家無異志

郜氏 王以謙妻夫亡氏年二十五無出即服毒家人驚駭急為解氏厲聲曰解毒實害我也遂噴血

死光緒四年學憲朱公福基給匾曰烈比冰霜

趙氏 張士達妻舉人趙毓桂孫女夫亡氏年十九以姪為嗣敬事翁姑無異志

馮氏 樊輔清妻年二十五夫亡遺一子房產俱無寄食兄嫂家時有欲奪其志者氏誓死不從鄉評云九熊訓子孫慈母

代嚴父洵其實錄與

王氏 田浩妻年二十五寡撫女月霞適智氏家皆清貧母子日相砥礪會遇白金以土掩取老莊窮

堅二語自號宜禮愚媪

劉氏 樊履祥妻夫亡氏年三十遺孤尚幼氏竟自縊舅姑救之而甦乃歎曰舅姑耄年在襁褓我

死如舅姑何於是矢志守節竭力奉養家貧無資皆取給十指中以美食奉舅姑自甘粗糲舅

病卧便溺不能起氏捧送必以手不避嫌疑舅姑亡悉變產以襄大事宗族憐其窮冬葛衫藜

藿不充周以錢米辭不受鄉評菽水奉舅姑婦道兼子職非虛語也

韓氏 樊致和妻年二十八寡撫孤守節孝事翁姑七十三卒

趙氏 馬安妻趙凌祥次女年幼而寡撫孤守節

韓氏 趙廷柱妻年二十八夫亡遺子甫四歲氏上事舅姑下撫穉子曲盡孝慈鄉評以為婦道子道

兩盡母教父教兼通洵不愧云

萬氏 李橫妻二十四歲夫亡撫嗣子成立貞靜幽閒越十七年乃卒

閻氏

趙鏡妻夫亡氏年二十九撫二孤守節五十四卒

賈氏

鞏淑言妻二十九歲夫亡遺一子尙幼氏茹苦撫孤母儀無愧

張氏

王德懋妻年十七適德懋幽閒貞靜有戒旦風夫亡氏二十九歲無子即欲自經姑力止之曰婦死如我何氏感泣竭力奉姑無怠色人稱賢節

劉氏

于純治妻年十九適純治二十六歲夫亡遺子甫一歲氏矢志撫孤以存宗祀不幸孤亦繼亡氏仍無他志或諷之嫁氏曰祖姑老年姑與叔姑繼逝我去如祖姑與小弱弟何竭力奉養祖姑撫育弱弟三歷凶荒無

變志人謂有魯義姑風

李氏

高登瀛妻二十八歲夫亡遺子翔尙在抱氏志堅金石五歷凶荒不易其節六十餘卒

王氏

張柱妻年三十夫亡遺孤維垣甫數月氏撫孤守節八十餘卒

馬氏

喬作中妾年二十九作中客死子女俱幼氏以夫債迫欲鬻其產夫兄不允氏曰田存孤苦債田去孤苦貧與其苦債不如苦貧乃盡賣其產以償夫債其苦心妙用類如此壽九十

栗氏

班福康妻年二十四寡舅姑迫嫁不從曰再醮愧吾母遂縊死初母來奔壻喪聞迫女嫁不入門拍掌曰吾女死矣其見信於母如此趙鏞爲作栗烈婦賦

賈氏

張子昂妻年二十七夫亡翁姑俱年耄氏矢志孝養盡婦道越十年姑死翁病卧便溺不起氏傍榻扶持鞠躬敬止後翁染瘧歿氏亦就死諸儒賢之爭爲之誄

梁氏

張國璠妻年十四歸國璠克敦婦道有舉案風光緒五年國璠歿家奇貧氏並日一食怡如也父憐其少且貧諷以別嫁不從竟受齊門聘強欲遣嫁鄰婦祕以告氏曰以父背夫不仁以夫怨父非義泣而呼天服毒自死時年二十三

閻氏

閻光明女年十六適鐔門姑有私私者欲通閻求姑先容姑不敢言令自媒遂挑之不從強之閻辱罵語侵姑私者遁而姑穢益彰恨益切他日又挑之罵益厲姑怒縛而撻之復以鐵錐攪其陰遂斃聞者皆鬚指閻父鳴於官官慈而柔寬未伸後官因別案赴省垣甫出城數里肩輿不前行若有訴冤聲從者但聞官云爾鐔家婦也吾知爾冤矣歸當為爾伸之既而卒於省閻冤遂沉屈蘭臺有董節婦者哭之云此日曾無錐鐵攪史書應著女心貞高蘭野先生以為清晚絕塵嘗鼎一臠亦可知味矣

周氏

王廣寶妻甫結髮廣寶從父外遊越數年廣寶染病歸氏默祝願以身代左右奉養至廢寢食及廣寶病劇氏知無望為備衣衾訖以腹痛辭歸別室家人隨報廣寶氣絕氏厲聲曰夫君勿走吾追汝氣亦絕家人覓其跡乃知廣寶病劇時氏已服毒柳亭詩人挽之云此骨似金尤似

石其人如玉亦如冰

王氏

智為貴妻為貴經商歿於燕邸氏年二十許一聞訃音遂撞簷柱下絕而復甦者數次越年餘竟縊死時人以詩挽之有虛收撞柱易實辦死夫難之句

班氏

韓友益妻年十八歸友益姑即世氏居喪悉遵禮要二十九夫亡家貧舅老子少氏持家以勤事舅以孝教子以嚴不苟言笑年逾七旬施予是樂子萬戶萬井俱遊太學以興家人咸謂為苦節之報

喬氏

傅顯輝妻年三十寡媒以改適來謁氏櫛沐竟廢矢死不從而以刺菜拈鍼自給守義終身

劉氏

張正邦妻幼柔惠而婉順于歸後賢聲遠震二十歲夫亡明景內映履險若夷茹荼不變孀居四十五年人言節孝名實相稱

梁氏 閻珍清妻年二十九寡撫嗣孤守節八十二卒

曲氏 閻樹本妻年二十六寡奉鰥翁撫三歲孤人輒贊其形管揚休

梁氏 閻錫祚妻年二十三寡撫孤煥文守節文稍長氏親教之讀

張氏 李祖智妻年二十五守節壽七十一

蘇氏 生員陳百餘妻年二十九寡貞順自矢壽七十

郭氏 李興命妻年二十八寡遺一孤出繼絕世孝事

郭氏 李興元妻年二十七寡撫嗣子與遺女守義父母欲奪而嫁之誓死不貳孝事鰥翁人謂其有共姜

李氏 齊敦文妻年二十一寡舅姑年已垂暮藐孤歲方兩周氏仰事俯畜孝慈兼優

劉氏 齊作哲妾原籍河曲十五歲于歸而與正室相得淡妝若梅不嗜修飾年十九夫亡截髮守節

張氏 吳培元妻年二十九寡事舅姑無違訓幼子嚴

肖氏 生員余鼎峯妻生員肖孟夏女年二十五寡撫二女赤貧自守惟以鍼黹度日壽六十五

高氏 張俊傑妻年十九寡率嗣子善體姑心人稱養

張氏 智海泉妻年二十六寡撫孤奉舅姑甘貧守節

李氏 賀高升妻年二十九寡清才薄命貧苦自甘幽

李氏 閻貞靜壽八十三柳亭詩人憑弔云孤鶴正堪

梅作伴清風恰好月爲鄰

崔氏 丁名元妻年二十二寡撫育一孤冰操自勵孀居五十六年無他志

郭氏

傳效朱妻年二十而寡撫在抱女守志母家榮居四十載重門鎖斷笑聲諱

馮氏

齊列會妻二十九歲夫歿事舅姑克繼夫志教穉子洵有義方

郭氏

齊登朝妻年二十九寡撫遺孤守節終身不爲諷嫁者所惑

李氏

齊修業妻二十歲寡守志四十餘年皎然不滓

張氏

齊玉光妻年二十五寡姑性烈氏奉若嚴君和氣飲人人咸津津樂道云

秦氏

齊鳳滿妻年二十六夫亡撫三子以存宗祀雖口餐落英終不改其志

梁氏

張湧清妻年二十二夫卒撫孤守節人無異目

薄氏

徐俊簡妻年二十七寡撫孤守節

郭氏

霍敏妻年二十三寡撫子女以奉姑操柏舟以勵節閭里莫不歎羨爲不可及

李氏

周俊職妻年二十五守節出處迥異庸俗

齊氏

張德昌妻年二十一寡撫三歲孤守節孝事舅姑五十一卒

牛氏

韓本祿繼妻年二十六寡撫三歲孤守貞過感

幾至滅性越年餘頓感悟歎曰父母與孤皆賴我以生我死如父母與孤何於是迎父母共爨

女以當男教孤子讀書母且兼父迄今孫曾濟濟身尙強健人咸以爲苦節所致云

梁氏

喬之貴妻年二十八寡撫二子成立壽六十三卒

王氏

樊其昌妻年二十一寡撫四歲孤守節

張氏

智岳妻年二十一守節

喬氏

智相妻年二十二夫亡家運坎坷勢難自處氏矢志撫孤奉舅姑壽七十五

王氏 智映魁妻年二十九寡撫孤守節事兄嫂有怡色及兄嫂歿與姪媳同居五十年始終如一

苗氏 孫瑄妻年二十八夫歿撫二女以奉孀姑勤謹幽靜未嘗疾言遽色

梁氏 郭天惠妻年二十六守節

李氏 韓輔晉妻年二十一守節

孫氏 郭星琳妻年二十五寡撫四歲孤守節六十六卒

王氏 李國相妻年三十夫歿撫嗣子毓秀守節毓秀早年例貢人咸謂氏教誨之力

杜氏 任正選妻二十七歲寡撫二孤奉翁姑未嘗裝飾孀居四十年無事不出門闕

汪氏 王克寬妻年二十九寡撫二孤守制家貧衣食不濟三厯奇荒無變志

馮氏 郭東發妻年二十七守節

張氏 郭建中繼妻年二十九守節

韓氏 宋儒賢妻年二十一守節甘貧撫孤壽六十二

陳氏 李從龍妻年二十九寡松筠著節村人爲豎節孝碑壽六十七

侯氏 郭化乾妻崞邑拔貢侯仁民女年二十四守義清苦寒酸壽八十二

梁氏 武修齡妻年二十九夫歿悉屏鉛膏五十九卒

李氏 張迎元妻年二十八寡撫孤進朝奉舅姑以鍼指蠶織易衣食鄉人匾其宅曰貞孝常昭壽八

郝氏 鄭理妻年二十二寡家奇貧撫一女守節或諷以再醮氏曰薄命人不敢作飽煖計也壽八十

趙氏 王經妻年二十二寡土工營壘氏請澗之以容兩棺鼻以少寡無子不許且以賣媳換來沽酒

資諱之氏遂仰藥而亡七日鸞鳳同葬時人以詩挽之有日落紅泉無限恨山頭白雪一鷺飛

之句

張氏 鄭玫妻年二十六夫亡子幼弱氏鋤犁自把破屋親葺翁姑賴以不憂八十二卒

張氏 鄭玉泉妻年二十一寡孝事翁姑惠愛諸弟翁姑嘗道其孝義

郭氏 周德旺妻年二十二寡撫三孤熒熒孑立凡事不輕干人七十八卒

周氏 李道一妻廿四分鸞鏡翁姑繼歸殯雖家貧就食母家歲時必攜子女詣墓祭奠人稱誠敬

郭氏 帥殿翹妻年二十三寡撫孤成立五十六卒

樊氏 邢天眷妻年二十四夫歿撫遺腹子永揚守貞赤貧乞食鄉人匾以玉潔冰清

史氏 邢來妻年二十九寡撫女奉衰姑紡績度日淑慎其身不愧香閨之則

李氏 監生于明清妻年二十八寡撫女與嗣子守制孝事舅姑宗族咸高其義

徐氏 于潤澤妻年二十一寡艱苦守節六十四卒

肖氏 張台妻年二十四寡撫孤有壽有恒守節三十八卒

邢氏 張旺康妻年三十寡撫遺腹子玉岫守節五十年親族匾以冰清玉潔

肖氏 張大雨妻年二十四寡撫孤盛銍守節

邢氏 李敦妻年二十八夫亡撫孤廷財守節

劉氏 徐丕章妻年十七生一男而丕章卒家貧親老氏誇鍼巧以度日越十年翁姑與孤繼歿乃盡

變其產以償債不足又爲人作嫁裳三年朝償債而夕自縊柳亭詩人輓之云道聞朝夕爭千古莫作尋常粉黛看

常粉黛看

祁氏 徐清妻年二十三守節撫孤奉姑壽七十七

劉氏 張廷俊妻年二十六俊出外不返家赤貧孀姑無養氏矢死靡他奉事惟資績紡守節三十餘年人稱貞

標月朗

梁氏 武冲霄妻年二十冲霄溺水死氏撫遺女與失侍姪守制饗殮不繼父母欲奪而嫁之氏抱女與姪曰婦人無再醮之義且幸有此女與姪棄女爲不仁舍姪爲不義背夫爲無禮吾則安忍

乃截髮刺股以明志壽五十四

夏氏

副貢鄭秦漢孫炳章妻十九歲適炳章越明年有孕舉一子夫得顛疾毆氏幾死蘇復不怨未幾夫卒家窶糶糶自給而

奉養舅姑甘旨不少缺

楊氏

李清佐妻年二十八寡家貧鍼指度日撫三子成立人稱苦節

管氏

邢天合妻年二十六寡撫孤松齡守節六十五卒

郭氏

梁士誠妻年幼夫亡姪亦繼失怙恃氏撫姪守貞姪又早逝再撫嗣孫成人宗族咸稱其義

宗氏

邢扶桂妻年十九寡撫遺孕子建魁守節家奇貧紡績度日知縣林濬源給匾曰晝荻丸熊壽

八十餘卒

郭氏

邢謙恒妻年十九守節撫女適人三十四卒

邢氏

張居信妻年二十五寡事翁姑就養無方撫嗣子教育有義孀居數十年始終弗渝節制

劉氏

張漢清妻年三十而風致娟然如處女惡少心好之乘氏獨行強迫之氏厲言曰污我非福但有死耳

遂自縊

杜氏

王大謙妻年二十八守節仰事孀姑壽終俯畜幼女成立壽七十一

王氏

張光聚妻年二十二寡撫三歲孤守節溫良靜謐隣里咸稱賢淑

賈氏

梁德清妻年二十三守節孝事舅姑義訓厥子壽八十七

王氏

韓令舉妻年十九寡撫遺腹子金倫守節五十卒

鞏氏

冀結嗣妻鄉賢鞏懿修孫女年二十四寡撫孤苦志守節五十三卒

梁氏

張義命妻年二十六寡撫藐孤守節處妯娌和睦人稱梅蘭兩奇絕

王氏

喬培基妻自歸喬即知孝事舅姑承順夫子義光緒六年七月十四日夫疾革謂氏曰卿能撫

三歲女以節終乎氏曰生亦未亡人也不如偕死夫曰果爾則喬爲有婦反席未安而歿既入殮氏不食言即從容理妝服毒死三日後顏色如生時年二十四夫師輓之云湘君雖死猶生樣翻信從前積蓄深安得昌黎濡大筆好修佳傳刻碑陰

賢孝

明

雷澤母

姓段字鳳嫵年十六適廩生雷震二十一震卒遣子澤方七月母撫育稍長親教之讀曰

玉不磨礪不成器人非學問豈能賢澤遂潛心理學爲盛明名儒及以進士除給諫未拜命入白母母曰朝廷不以兒不肖使居言路須明目張膽取法於汲黯澤曰倘有觸忤權貴禍隨立至如老母何母曰給諫爲天子諍臣汝父欲爲之而未仕卒汝幸居此地當捐身報主若得罪被謫吾當從汝所之勿以母老懼澤卒爲賢臣母性烈行醅晉贈淑人成化十八年卒 帝遣山西承宣布政使司左參政蔡麟 諭祭稱曰雷母

史玉蓮

字荷香孝子喬象觀妻年十六適象觀事姑孝敬雖一粥一飯不假婢手必親捧盥以進

明末與夫遇闖賊於黃土寨顧語夫曰丈夫若何象觀曰我殉父耳卿自裁玉蓮曰丈夫為父死吾甯不為丈夫死乎遂脫巾以指血大書喬參軍子妻史玉蓮八字與夫北面再拜並縊而死

國朝

梁氏

智進德妻十六歲歸進德越數載進德棄俗逃禪翁姑垂老氏奉事曲盡孝道聲聞遠播旌倪雍正十三年公舉孝婦知縣徐濟言申請旌表

吳氏

王廣仁妻紡績易粟以養舅姑姑年老病篤廣仁賢遷無踪氏一夕沐浴更衣籲天代死聞空中有神人云必得人肉乃愈氏刲股以進姑尋愈合家驚傳姑方知痛哭感恤之乾隆八年旌表

鄧氏

生員薄齋尹妻尹年二十三有顛疾積二十餘年氏飲食奉事不離左右事舅姑孝年四十夫病漸愈生子巖以歲貢官廣靈訓導學院李公匾以賢孝可風詳本傳

張氏

生員薄士輝繼妻賦性孝友事舅姑備極色養與妾李氏相友愛如姊妹夫文行兼優身孤弱多病忽暴卒李氏棄二子改適二子與己子俱在抱氏撫三子以專鰥舅舅病痿瘖手足不能自由飢寒冷熱知之而不能言氏審音察容養舅如撫子然如是者二十年舅漸能言人異之稱為真孝婦

章氏

貢生張映奎繼妻姑楊氏患癱疾十餘年氏奉事惟謹生三子視前子世祿過於己出卒年四十五學院黃公鉞給匾曰陶孟懿清

元氏

張大貴妻詳本傳

魏氏

龍門村齊永發妻發緣家匱遣出經商資身之餘不違母恤故歷久而忘其家氏紡績易粟以養孀姑自食鏞底焦飯姑卧簀氏夜不交睫起坐展側扶持懇至姑泣謝曰汝為媳一十八年良苦願汝有媳如汝

孝氏因以孝德著

周氏

舉人牛上達妻進士書田母也少移所天事舅姑至孝舅姑思魚肉貧乏不能得家近牧河河素無魚氏焚香跪禱忽自生魚率二子躬自釣取遂得以養人稱至誠感神云

梁氏

張振聲妻翁與繼姑夙嬰疾嘗在牀蔭氏奉侍十九載未嘗一日廢離雖守義與俗情不合而終翕然信服

張氏

牛傳書妻年少而寡姑亡翁癱瘓氏哺飲食著衣服問起居背出入如是者十有餘歲鄉里咸稱羨之

郭氏

李廷獻妻性至孝翁患病不離牀席氏奉湯除穢六年終無倦色人稱賢德

郭氏

李達德繼妻年十六而字未旬姑賈氏病氏進藥湯滌溺器朝夕不離左右姑為其新婦也遣歸室氏曰夫之娶妻原為侍翁姑也今姑病且篤忍舍去乎姑喜病遂瘳氏無出勸夫納二妾各生一子氏撫之如己出迄

今稱賢孝者每屈一指焉

曹氏

梁善富妻事姑至孝姑得噎疾氏竭力承歡凡所以求姑悅者無不至進奉湯藥必躬必潔非有大故未嘗去側姑故語人曰婦孝勝於生女

才女

元

毛淑蘭

千戶喬信武夫人信武從世祖平宋淑蘭繪風雨竹成迴文詩一首寄信武名動九重世

始知其能詩也

喬夫人

千戶喬信武女十歲時姨父元好問課諸兒讀經史夫人從旁竊聽之輒能背誦長而能詩嫁將軍李子敬子敬博學能詩夫婦倡隨如良友時稱雙璧

國朝

傅靜菴

傅文恪公來孫女年十七適邑廩生樊佩玉生子五長步瀛次先瀛四士瀛俱登鄉薦為

縣令廣文玉首瀛五光瀛俱遊膠庠以擅文名而靜菴四德渾圓五福咸備近代稱大家者無

以尚焉有靜菴詩集四卷知縣唐世厚撰序弁首稱爲女詩聖

周文儷

平陸教諭周壅女舉人張應蛟母也名睿姑能詩能畫能琴工時文有人錄其謝親友祝

壽云頽唐晚景逼餘年設悅仍逢四月天尚有兒孫能進酒敢勞親友更花錢嘗羹漫說封人孝截髮誰知姜氏賢多謝高情何所贈轉將上壽祝尊萱高蘭墅先生以爲真得唐音云

考彤史所傳而列女不專以節也女以節見則女之

不幸矣而其中又有分焉從一而終曰節致命遂志

曰烈丸熊畫荻則賢承顏順志則孝咏絮辨琴則才

均女也而操履不同是皆彰勁節於後凋表貞心於

上德有裨名教洵宜備列以風世勵俗也若夫沽名

飾節謬附細編則事失其實人將議其後矣維風化

者奚庸贅及哉

定襄縣補志卷之九終

定襄縣補志卷之十

雜記志

地理人物其大端已見於各卷此外尙有瑣屑事故可述可傳者亦足以廣見聞而資勸戒向見各省郡邑志有雜記一門襄志獨無今補之志雜記

薄松年從郭息軒學昌明三年以經童中詞賦選促仕不就究心性命曰吾於功名富貴無復動心自號芳蘭居士

西邢村霍子萬係去病三十一世孫以平夷功拜武節

將軍嘗謁大司馬甄有有每發言一坐稱美子萬勃然變色曰人非堯舜孰能盡善有遂慚顏謝過

元石繼信董村人家計較足歲歉鄉黨宗族求貸者無不立應至次歲或來償悉辭不受眾感之合開一渠以祈天佑名曰佑善渠孫起夫平寇有功拜武節將軍浙江海門衛指揮僉事

賈御史統富而好施凡孤兒寡婦百般憐恤有亡友李天佑遺一女鬻與人爲妾統出金贖回嫁與經魁寇祖恂陰功誠莫大矣

郭慎齋先生家於季莊所居隘陋姪孫救欲悅先生意以三百金易鄰趙氏居用構水閣涼亭先生聞之不樂曰吾與趙氏七世爲鄰又係戚屬一旦棄之於心安乎命速還趙氏居不追其金

慎齋在開封與辟敬軒共處竹室爲風所倒無以葺治怡然自樂講學如常已而復葺諸僕問曰當室破時二少爺無怖色何也答曰心存慎敬故耳

樊文惠先生慎獨云無極太極初無向見纔有向見便是欲妄又曰纔識有爲無爲便曉喻義喻利義利之辨

其學者首務歟

樊典膳天秩文惠先生三子也嘉靖癸巳邑中文廟傾頽先聖先賢暴露秩謁教官曰創修佛寺仙觀人常有之崇敬先師世所罕聞秩願捐己八百金助修大成殿與東廡教官收其金修治落成邑令張榮聞而賢之命秩妻兄薄通判徽爲撰義行記

薄引禮鸞艱於嗣宏治十八年餓孳橫野作萬人坑藏屍不可勝數是歲生世佑佑爲晉府左相晉爵中憲大夫

趙鏗問文惠先生曰心之疑如何去曰人生斯世止完得一箇我我以外再無一可務得事若不問我如何如何成箇我我如何結果而徒逐世事之紛紛攘攘者而存之於心且從而生疑則天下之事可疑者不一而不一疑者無幾矣嗚呼以有用之心思而用於無用之地不可惜乎汝惟好好讀書書中自有無限可樂處清明在躬氣志如神尙有可疑得事不明得理哉苟或作或輟心思未入所以於他事求得詳他事求得詳即於性分中得事舍得違奈何不講立身修行得道理這道理也

不在他處祇時時問我心是箇甚麼心我有多少當爲
事一念不可違理理足自然到何處也如意夫虛靈不
昧之體毫無所蔽仰不愧而俯不作尙患有困苦艱難
之事乎

雷時霖侍郎遇仙事宸垣識畧載之云天順甲辰會試
場屋災舉人吳野持硯斃於鐘下硯爲野所愛上鑄其
名火後以硯故知爲野也詔葬諸燼骨刻石塚上曰天
下英才吳野等之墓先是山西定襄人雷澤與一仙女
有緣仙女引澤至一所見一紅榜無澤名賀焉問之曰
久自知第一名乃吳野也又指一榜示澤曰君與貴溪
鄭節聯名後禮闈災與節踰牆免果聯名中式與節道
其詳則火榜狀元之說信前定矣

俗傳雷司空遇仙女時唱和甚多其至揚州觀燈仙題
詩於壁曰踏歌到處沸如騰萬室珠聯午夜燈絃管競
翻聲細細魚龍迭戲浪承承寶車繚繞香疑散蓮炬熒
煌影倍增大道分明人不信蓬瀛風月暫相乘公亦題
詩曰盈城燈火爛燒空良夜懽忻士女同繞徑笙歌香
霧裏襲人羅綺彩雲中依微月殿身疑到宛轉星橋望

未通指點十洲三島徧塵寰何處問蘋蹤又仙子留別
集句四首蕭然孤館起秋風淚濕胭脂損舊容盡把新
詩付紅葉百年身後一飄蓬獨自吟詩送夕陽此生何
處訪劉郎洞房昨夜秋風起不是愁人也斷腸相見時
難別亦難明朝相憶路漫漫與君今夜不須睡共待天
池一水乾一別方知兩地愁任他明月下西樓來年此
日知何處遙指白雲天際頭公後至揚州天竺寺見所
題詩宛然在壁步前韻曰塵骨無由得上騰誰將仙訣
漫傳燈蜉蝣光景皆虛受芻狗功名亦妄承玉洞桃花
曾有約銀河急浪祇頻增壺天日月應常在鳴鶴何年
許共乘又曰萬物看來一瞬空芳情樂事渺難同隔年
燈火春風外昔日笙歌夜雨中奕罷纔知柯已爛槎歸
應恨路難通每逢元夜增惆悵匹馬還來覓故蹤

明永樂二年受祿鎮王剛爲本鎮創開普濟渠一道灌
田數十頃世食其利至今咸稱曰此鐵漢王剛老人之
遺澤也

梁居玉東廊人富而好施見打地寺兩院傾圮倡修捐
輸爲功德主嗣生元孫九十餘人僉稱善報

定襄縣志 卷十 五
鄭方伯友周夫人眇一目有友戲之曰貌陋能作夫人
乎方伯斥之曰婦人以德不以貌爾言亂道後生三子
并無側室。

劉教授名儒忠厚有才幹人多悅服晚年僦居遺山寺
遇仙迎而歌曰義氣誰如劉士稀彈冠致仕早知幾縱
有網羅遍地布怎奈大鵬天外飛

梁志官東鄆人少有聲譽序七舉不第乃卒業成均拜
清苑訓導晉渾源學正渾源士多貧其弗克婚葬者官
捐俸助之賴以婚葬者十數家創興名宦鄉賢祠奉檄
權視州篆民便之未幾投劾歸里居數年疾革囑其子
曰輕利重義大中丞李楠喜稱之

藏孤臺在武峪山程嬰匿趙孤處按史記趙世家程嬰
與趙孤俱匿山中不言山在何處宋神宗時封程嬰成
信侯杵臼忠智侯韓厥義成侯後加封嬰彊濟公杵臼
英畧公厥啟佑公江南有廟甚盛及宋南渡後又加封
嬰忠濟王杵臼忠祐王厥忠利王以祠墓俱在山西太
平縣趙村降旨就杭城建祚德廟

牛昇待陽村人明宣德六年寇起榆林昇應壯丁隨師

禦之一日寇至身被數創頭卧草澤中自分必死忽聞有呼其名者視之見一老人峩冠博帶鬚眉盡白牽一騎謂日子思家乎但閉目附吾驥尾可須臾反昇依其言覺足不履地若御風而行忽身落平地所居村外舊有五嶽祠老人曰爾可回吾進祠少憩昇諦視良久果在五嶽廟前入祠覓之並無其人知爲神祐自此家道日昌因廣大五嶽祠泐石紀其事

定襄食穀之蟲曰蚘蚘自古有之唐書五行志開元二十二年八月榆關蚘蚘蟲害稼入平州界有羣雀來食之一日而盡宋史太宗紀北海蚘蚘生齊民要術汜勝之術曰牽馬令就穀堆食數口即以馬踐過穀爲種無蚘蚘蟲也

傅文恪公曰昔樊文惠先生性喜觀水嘗命之曰良心鏡所觀有時月霽而往不喜昧觀故其詩曰湛然之性吾何以全掃除世慮性自天淵天淵身後明月身前二身合一月印萬川余謂月印萬川四字內有形容不盡之妙讀者當意會之後讀辭敬軒集有句云萬起萬滅之私亂吾心久矣今當一切掃除以全吾湛然之性與

文惠意不謀而合

傅文恪公嘗自言三十年除一慮字不盡以是知無慮之難

李尙德城南人傅文恪撰其墓表云南郭李太翁襄之隱君子也李爲襄之著姓聚族而居於縣城之南不下數千指中多德行善士而太翁爲最生平富而好禮周人之急出貨力如棄糠粃親族鄉黨多德之歲大荒輸粟賑饑所全活甚衆捨義塚義棺殯死喪之無後者數十家其他津梁愁道赴義如流縣令聞其德敦請鄉飲三次人莫不以爲當

芳蘭田戶每年派數人自三月至八月詣各廟及各山神廟祭俗名燒月紙鄰村亦有然者蓋祈年禱雨之意也鄉人因作田家歌云春雪嫌滿溝春雨貴如油有錢難買五月旱六月連陰喫飽飯 立夏種山坡秋社沒生禾靠熟不如早收割雨打風吹人竊奪

梁汝翼南莊村人村中有前元古渠一道久經淤塞明嘉靖間汝翼毅然志前人之志肩其任力捐工資督率里眾啟闢灌田四十餘頃迄今村人享無窮之厚利焉

劉紹先邑處士先是襄邑無志嘉靖末劉公掇拾郡乘之舊益以所聞見次第其事藏之且久萬曆己卯無極安公嘉士涖定襄任取而潤色之而一邑之志以成李廷身橫山村人老年生一子因建觀音堂除日至堂灑掃有乞人在內叱出之染人李大宰老而無子見而憐之謂曰吾開染鋪爾可往宿遂引至鋪且與備飲食具次早視之一物未動而乞人已不見矣是年廷身子死死之時大宰生一子又一日有人與大宰送說一默言某日取錢至日亦未來取人以爲觀音化身云

王經畧忙兀荅兒北王村人爲人少習軍旅事屢立戰功元烈祖擢授西京太原真定延安四路屯田達魯花赤總管軍事涖政仁賢吏民懷畏值大饑王請於上減逋租以所屯糧給民尋上疏陳三事一言息重徵又請發倉粟以賑奇荒飢民頌德至元十三年正月以疾薨壽七十七

經童張惟善橫山村人藏書萬卷元初隱居忻州薛雲谷教授生徒出其門者多名士及卒門人銘其墓云於維先生學傳聖心文經是式詩雅斯欽上希陳邵晦迹

樊天瑞號栢亭喬給事光大撰其墓表云栢亭襄之隱賢也激懦廉頑爲化民成俗之助定襄土瘠民貧邑令祥符張公度地爲二園欲耕稼其中租入爲公家計擇民之廉幹者主之闔邑以栢亭應命張公賢令也而雅重於栢亭爲人無出其右矣自是蓄積有餘而民不病闔邑賴以生活者甚衆父文惠先生嘗捨地四畝爲義塚栢亭復捨地二畝擴大之每見人貧無以葬者戚然曰凡天地間民吾胞也力有可爲安忍惜財不助又命其子料材用課工作棺施舍識與不識取之無間孫啟東以科名顯移籍孟縣裔族至今稱鼎盛

張詡母趙安人少女家貧嘗與鄰婦採樵於野鄰婦爲虎所攫安人號呼搏虎虎遂棄去鄰婦得免鄉人稱爲馴虎真人

樊孝子灝開酒館時一少年飯於館袖壺而去灝覺之攜錢數百尾其後至無人處謂之曰子乏錢吾少助汝幸以壺還我後勿復爾其人愧悔攜錢還壺而去遂改行出外貿遷漸致豐足嘗語人曰非樊孝子吾焉能有

今日也或以此事問灑灑曰無之

西營村舊無關帝廟崇禎七年陝省寇起流入山西克城陷堡所至蹂躪癸酉春人定襄北境由高村渡河近西營村闔村驚惶老幼呼祝關聖大帝乞救護賊至賊首見帝立雲際賊馬不前一方賴以無患眾感神佑建廟增生侯之玉爲記

督學嵇禮齋有云樊林卿受業李二曲聞良知之學則以朱墨識臧否自考動靜不失其時又云吾自聞林卿存養致虛之說滯氣漸化做事纔覺活相

或問樊孝弟先生不以時藝授人何也答曰吾恐人不躬行實踐而徒事著述也

前任杜公瓊有云吾知定襄時始列孝弟先生門下及調臨晉又用幡輿迎先生於署爲置一侍婢以奉巾櫛先生曰吾居師席豈可婢良家女取券焚之呼爲女弟子命瓊亟擇配於清門

昔猗氏令陳騰章禮請孝弟先生爲塾賓訓厥子弟赴公車途聞兄病篤歎曰焉有急升斗之祿而緩視胞兄之死耶半途歸兄病危殆瘴氣方盛家人皆出次於外

先生親自扶持晝夜不眠如此者二十七日瀉氣歇家人返兄病痊先生亦無恙

騰章廣西賀縣人
崇祀裔氏名宦祠

劉牧溪先生嗣漢乾隆辛未進士今文古文並精妙惟不能詩前任鍾公一誠新建晉昌書院延爲院長一日詢先生曾有詩否先生口誦路經閔子祠一絕閔子祠堂古道西夕陽漠漠草萋萋門前幾樹垂楊柳不是慈烏不敢啼鍾極贊之曰孰謂先生不能詩耶

昔鄭似僑爲郿縣宰簿書之暇覓綠野亭遺跡求張子全書讀之慨然想子厚作正蒙時直從清夜悟來

芳蘭薄納言既舉進士十年將赴選問政於似僑先生先生曰吾無他異能惟公案不留訟私鬪不批和耳薄曰姪未能也先生曰早臥以定心早作以判案好惡之間不失吾平旦之氣而已

似僑先生爲乾州牧乾州屯糧多不能完納陝藩催辦甚急先生捐俸代完曰古人知足不辱知止不殆吾不可以久戀此官矣即日解印綬歸

趙朱嘴子村人母老失明以貧故食常不飽朱窺其意每飯密以己飯添之母沒力衰不能自養秋穫時人勸

以据拾不從曰物非己有不可取也鄉里見其餒甚捐
貲助之拒不受竟餓而死

牛芸圃書田才智過人言語應對尤其所長其祖梅占
公性孝友能以己之急濟人之尤急父上達壬午鄉舉
嘗館縣上與邑令善館東求免離商屬一言爲解許千
金笑卻之曰吾得館穀奉二親足矣多金胡爲者後赴
公車沒於旅店年四十三芸圃少貧走四方嘗遇覆舟
溺水者七八人急出貲呼漁舟救之得甦人以是爲公
陰德也署屏山時其地不發科數十年公倡建書院起
魁星樓是科卽中式二人

崔家莊崇甯寺在滹沱河旁乾隆五十年六月沱水汎
溢河邊地已衝塌而寺內屋宇並無圯毀或謂寺井中
有逼水珠

惟實心者方能任事牛拱齋先生星煥一生誠實無僞
其閱文有瑕必指不爲虛獎語官榮河廣文歲荒四鄉
設廠賑飢每員司一廠公分東廠他廠多喧擾獨東安
靜縣令嘉之

賀永祿蘭臺人嘉靖間俺答入寇祿呼子經綱曰大丈夫

夫不得建功天下亦當保障一方豈可苟全性命乎祿
與二子率眾爭先抗禦殺賊數十人賊懼而退一鎮獲
安

鐔村李龍輝嘗於途拾遺帖錢百千久伺遺帖處不得
其人因密藏之家雖貧窮一毫不取越數日蒙陽岳景
觀何奇智號泣於遺帖處因詰得其實遂還原封岳何
感泣恭頌匾曰邠原流風

國學學正杜繼衍雍正乙卯拔貢 朝考二等第一授

直隸州州判乾隆癸亥揀發淮安河工試用是時河政

未善工延二百餘里派官七十餘員期以一齊報完上

憲以繼衍誠靜有守委以督催全工之任繼衍以爲一

齊報完必至互相觀望不敢先完恐致塌累不如陸續

報完使人自爭先事乃易集憲可其請是以三年未完

之工不數月俱已報完時人因有造福無窮之語

耆賓張豐亨北鄺村人性友愛家頗裕析與兄弟均之

會商經繁峙見金山寺傾圮捐錢三百餘千倡修一新

見義必爲宗族戚友恒倚賴之

邑庠梁逢辰古秋先生子也善醫貧不受謝或反周之

有請即往不論忙閒嘗大雪夜有爲繼母市藥者逢辰
歎曰夜市藥者多要皆急其妻子鮮有爲母者子其孝
者與市藥者出翠花一對償價逢辰詢知母物力止之
曰令堂母若知心當恚忿是益其病也亟持去
陳麗章恪次子父得腿疾屢醫不效璋每夜以股襯父
股數載無少懈

張海字朝宗蘭臺屯人雅好文籍雖在田畝手不釋卷
博通六經名震忻襄忻州牧董衍祚聘不就侍御楊敬
儒曰范滂所謂郭林宗隱不違親貞不絕俗諸侯不得
臣吾友張朝宗庶幾焉康熙四十年知縣楊森給匾朝
耕夜讀

道光十二年歲大饑窮民乏食張村恩貢郭守誠暨趙
永貴武國棟趙瓊書郭祿儒武國棟郭存誠等家有餘
粟倡義賑濟每月朔望散粟於觀音堂窮民咸賴以全
活

趙采原趙家營村人也處鄉黨人有不平處輒爲解之
有不能處輒爲代之以故里中二十餘年無興訟者破
後人思之遇不諧事咸曰某若在何以至此

梁時敏師家灣庠生好義急公邑令每重之道光丁亥
前任袁公重修晉昌書院委董其事裹糧赴城十餘月
未嘗私飲一勺水人服其公

樊朝直字首益北莊人處兄弟相友愛兄暨弟游蕩費
產盡索逋盈門直悉爲代還毫無難意

西河李明經字晦亭勤於惜字每見棄紙輒簡閱有字
則留之并募人收買焚送清流歲以爲常後行年八十
健步如飛邑舉人王純修贈詩云惜字何人似晦亭殘
編火化付流萍雖然小善能堅久贏得康強受大齡則
近報自己之說信矣

北西鄺村張克順字六吉處家不有私財家頗富但累
世莊農每以無書香爲恥教子弟輒以朱子格言其立
心制行類如此

龍門齊登峯號石農處鄉黨人有不平處輒爲解之有
人呼名辱罵佯爲不知或告之石農曰想罵他人又曰
明斥君名石農曰罵又不疼終不問石農歿輿論以平
心率物可希陳實高風排難解紛饒有魯連勝概頌之
不亦宜乎

梁祿長史家崗者民兄弟五人三四弟蚤夭遺孤五祿長與妻韓氏撫如己子婚既畢乃舉其業均分之諸姪辭不受祿長曰爾祖之愛爾父猶我也我知姪與子一體不知其他卒委曲以行其志

鄭篋官莊人少貧喜讀書家乏養賢販朔州父上達年近七旬患痿痺篋聞告歸養舖夥難其窮苦留之篋曰鬻賣田宅亦可承歡若俟羸餘親不我待也竟星夜赴歸朝夕就養十二年而父破產蒸罄朔之諸友義其人仍召還

陳守明中霍人自幼寒微克盡子道每食必以酒肉奉親一日爲人芸田及日中忽憶之酒肉竟歸典鋤以買酒肉聞者無不輒贊

庠生趙稅棠葵之元孫剛而好善村舊有借道爲渠者數里行者苦之稅棠力勸村眾貼渠割地修築旱路人咸德之因名道曰思伯道思伯者稅棠字也

龍門齊義仁家貧寒竭力以謀旨甘之奉每入市買餅餌悉以遺母嘗曰家嚴早歿恩不能酬幸有母在而猶可盡情焉

牧南郭錫齡兄弟三人咸豐三年父漸達公捐館錫齡
慟絕者數念送終事當自盡不欲假手於人乃自營塚
葬焉葬後每日晨昏必偕兄弟捧飯到父墓前供奉期
年不懈每食兄弟同一處或問其故錫齡曰無他但願
累世義聚不分耳

軍屯張蘭阜先生精於醫理樊柳亭因子病革延之診
視自亦乘便請其按脈張曰君郎胎瘕無妨也君脈已
空矣今年十月恐不能過柳亭方強健聞其言不以爲
信至期竟如其言蘭臺賀建章有微恙請醫之張曰欲
吾用藥其在中秋乎賀未及中秋而歿

吏目王承烈性好義不吝施與春秋不濟時每日街口
糶糧以濟貧乏給價者如願以償不給者亦不索嘗遇
凶荒家無餘九別從他邑糶糧減價糶之邑令嘉之舉
鄉飲賓

武庠鞏廷選東作村人素行嚴正鄉黨望而敬之設義
學以訓貧子弟待族黨廓然一體尤善醫學嘗遇大疫
舍藥拯救全活甚多

壽官郭洪宇受祿人天性純篤與兄弟並守世業同服

賈而忠厚過之年八十三以終子孫七世同居而猶爭相愛敬不敢出一不義語

李大懿橫山人五世同堂以義聚著道光中給銀表門恩賜七品壽八十九

喬公昭秉信子性篤孝一日赴忻夜宿心惶語人曰吾親有恙卽起而歸至半塗人果來召言父病篤人皆奇之

例貢毛文達北王都人秉性仁孝父有疾不起床者十餘年文達奉侍極孝

監生王休喪妻終身不娶婦有再醮者挾貲令人道意休勃然曰不義而娶吾豈肯爲獨居數十年儼若寡女里中狂夫蕩婦莫不望而引避焉

董學湯彪次子與兄學禹同日遊庠學禹早逝學湯敬嫂如母撫姪如子舅氏家貧養生送死咸任爲己事鄉人敬重之

鐔村邢秀忠厚力農與人愛敬時村有匪人爲害秀獨能逐之人咸服其剛正云

南鄺村智梗直少孤家貧事母牛氏甚孝爲人嗜勇好

鬪時人以專諸目之後母臨終囑曰汝性火烈我死恐致禍吾有幘巾遺汝妻汝若與人忤著汝妻執幘巾召汝汝當視巾速反梗直書紳戒性垂老無違母言

莊力村張德甫生數月母即逝鄉人有求抱養爲子者伯嫂力阻之以爲不可伯嫂適生子謂其伯兄曰我子付鄰媪乳我可乳失恃小弟伯兄從之德既長伯兄與子相繼歿伯嫂無人奉養德以母事之鄉人曰何孝敬若此德曰予何知孝敬惟不敢忘伯嫂恩而已

衛村張毓錦父性嚴重矩度森然毓錦事之順志承顏常得歡心父病篤左右奉侍衣不解帶者數月及卒哀毀骨立鄉人欲聞於官毓錦曰是重吾罪也力止之

李鍾光王村都人寒素好善有楊姓者欠其債欲賣子以償李知之曰豈可爲六千錢使爾父子離散乎亟取錢贖爾子歸楊曰兒已賣豈許我贖李曰我貧人且讓爾債富家亦知積善我富同往富人高其義許之

西邢郭昌壽家貧力農母卒弟方六歲昌壽傭工撫育以成立同治十年臘月途中拾錢票壹百四十餘千人慰之曰今而後庶可療貧矣昌壽曰命貧而得儻來物

不祥况我得而失者有不測之變烏乎可遂聲張其事而返之失者酬以半不受乃匾其門曰仗義歸金

鍾村張應選家不殷富而喜施濟日覓經驗良方抄寫遍貼煉就膏丹丸散以療人疾苦又善講因果勸人多息爭訟

耆賓丁博文大羊屯人儉以持家和能處眾見大羊道至張趙村數里倒塌海泥行者病之博文約眾修之遂成康莊

無錫典史王彥英嘗買一妾詢知不克葬父故自鬻遂歸不責償且厚贈之囊爲之一空人服其量

神湯都馮儀鳳家貧好善凡見途間海滑諸物有礙行路必掃除之年逾九十未嘗廢弛一日有大石礙軌竭力挪移致傷左脅痛不可忍夢有老人爲摩之曰賜汝膏散以酬汝勞俄而既覺其痛已愈人咸以爲積善所致

白家山張德成世業醫遇貧病必先往病愈不取一錢極貧者更量力資其薪水忻州肖家山有父子甚艱難同患瘰癧成往視診其脈須得大黃根汁奈那寒難取

忽有老嫗送至酬以錢不受忽不見服之立愈闔省家
山恭頌以婆心濟世

師家濟張戾天雖居倉卒未嘗疾言遽色老於農且好
任過一日溝中載石同伴有暴性者與人角口舉石擊
其腦戾天急叩頭請息怒暴者驚悟而歸提酒相謝竟
結盟爲兄弟

師家濟師亮素服賈於外父暨兄亡後因家居事母寢
處不離纏足梳頭以子代女越六年母歿始再服賈於
外壽八十六

西河介賓劉克昌五世同堂齒德爲士大夫所尙持己
儉樸人咸稱長者子永清儒林雅望亦與鄉飲蓋克家
之聲早賴壽考有以相成云

西河王本元自幼失怙事母以孝聞母目失明動靜不
能離人本元奉侍湯餌扶持起卧未嘗解帶衣被垢穢
必躬治之及母卒親族咸勸娶妻不聽葬母畢出家五
臺山射虎寺雲遊參訪宏法遂不復見

文廟木主考前朝嘉靖九年大學士張聰更正祀典奉
旨頒行天下依國子監規制製木主大小尺寸著爲定

式其塑像盡行屏撤惟定襄未遵規制改製木主或者當曰修廟之初其難其慎不遠千里取土尼山想像真容篤恭致敬後世所以不忍撤去卽此意也歟

王家正嘴子村人嘗買人連墳地人以侵占墳圖賴正曰爾以吾爲愛利也吾且不愛數畝利豈愛分釐利哉抽契與之畧無難色其慷慨如此

東鄆村梁鎮宇性孝友娶妻生一子未周歲而妻亡時年二十五父欲爲再娶以二弟未娶辭及二弟婚畢父又欲爲娶鎮宇曰家之不和多由婦人且子已長若娶恐與弟不能同居子榮光弱冠入泮鎮宇壽八十二南關監生韓作舟性清逸治蔬爲業嘗出見盜其葱者遽退母問故曰畏渠愧恥耳盜聞大慚不復鼠竊

趙四達趙家營人善醫術爲人療病不索謝有餽者亦不受嘉慶九年人爲樹表德碑

薛望成史家崗人愛弟子甚於己子人問之曰吾子四弟僅一子且弟常在外視之宜獨厚鄉人躋之

胡桃都宋天然事父母克順母歿復善事繼母繼母生一女嫁奩一如其願睦鄰息事終身不衰

西邢村黃元鐸暨郭安然等六七人家不中貲道光十二年歲大飢人食草根樹皮殆盡元鐸等設法施濟又率衆平糶以恤餓人全活甚衆

西邢村郭請業生平循謹自持喜怒不形於色道光二十七年載五世同堂咸豐三年壽九十八

廩生徐鼎元神湯都人年廿餘父母相繼歿哀毀過制幾至滅性祖州平諭之曰汝失怙恃命途舛也滅性殞身如汝祖與小弱弟何元遂事祖撫弟以善稱

神湯都張九思者一鄉皆稱善人終身設立義學盡心教誨生徒方讀論語不特使識字必使明字中大意每出必攜錢或施乞丐或買物放生觀者化焉若其義恤親鄰尤一鄉所矜式云

趙村楊富正少喪父晚年母得腿疾富正依膝下如嬰兒承意觀色惟恐不至母泣曰天乎兒孝盡矣

趙村有傭工者姓楊名九淮家貧乏事母愉色婉容曲意承歡嘗夜半自遠歸同工者俱叩門九淮獨倚門達旦人問之曰恐驚吾母耳

西河李瑞唐少喪母父繼娶瑞唐定省視膳始終不廢

繼母嘗語人曰兒可謂孝矣

砂村閻三多父際隆與母不諧客於粵三多尙幼越十年竟不歸亦不答信三多年十八慨然欲往尋母曰廣東省大矣行將焉往况存亡未可知徒自苦耳三多謂母曰天下豈有無父之人哉遂日夜兼程抵南粵境冠上寫一尋父帖所至遍訪有告者曰八座門有開晉陽館人未知是否三多急趨至父前跪伏請歸終不允又恐曠日以貽母憂涕泣而返越數年復往父已卒乃負櫬歸葬

青石南聖母廟祀元進士劉彥誠母南氏每年三月三日諺云是聖母誕辰自夜半至日中遠近焚香者絡繹不絕村人約先至者有朋樽之賜遇旱祈禱即得雨知縣王立愛云余三禱皆應

南鄴村智名揚者極有膽力伯兄與同里某有隙某持矛攻門伯兄擊殺之應抵名揚詣父請代父曰此非吾所強汝能如是吾有子矣以告伯伯許以贖罪給產名揚不顧急赴官承罪遂定案制流浙江裔族稱盛

藍臺鎮張星燦咸豐戊午 恩賜副榜設教於忻州孫

家灣得人最甚年九十忽召徒衆告別坐化於崞邑沙
凹山後十日徒衆與子姪覓視顏色如生

東霍都邢有順樂善好施不慕榮利鄉人稱爲善人見
者咸矜式之

趙浩胡桃園人元初以學行授定襄令未幾耳聾而與
一狐善狐耳語之亦能聞每見上憲亦與狐俱人不知
其重聽及中統元年狐告別浩亦乞休帝高之詔其子
沂襲職

在城陳志德者生不彌月失恃族嫂乳哺成立事父與
族嫂以孝義聞性喜施嘗代叔父伯兄完款賦全活九
族甚衆後三子三綱以歲貢顯

自古建國必設史官以紀一代政事之得失人品之
邪正風俗之盛衰殆將以垂法戒昭勸懲也下至一
郡一邑亦各有志而必廣以雜記大小雖殊而其爲
用則一故輯之布諸簡策昭茲來許維風勵俗所關
詎淺鮮哉

25057

定襄縣志

卷一

定襄縣補志卷之十終

